



ელექტრონული ტენდერის

დოკუმენტაცია

ჭიათურის მუნიციპალიტეტში ახალი რევერსიული გონდოლებიანი საბაგირო-სატრანსპორტო სისტემების სამონტაჟო და შესაბამისი ინფრასტრუქტურული ობიექტების (მუხადის საბაგირო ხაზი) სამშენებლო სამუშაოების

სახელმწიფო შესყიდვის შესახებ

CPV (45234210)

ქ. თბილისი
2017 წელი

სარჩევი

1	ინსტრუქცია ტენდერში მონაწილეთათვის	3
2	ტექნიკური დოკუმენტაცია	5
3	დანართი N1- ხარჯთაღირცხვა	იხილეთ. ელექტრონულ სისტემაში PDF ფორმატით, ასევე Excel-ის დოკუმენტის სახით ატვირთული ფაილი
4	დანართი N2 - ტექნიკური დავალება	9
	დანართის N2 დანართები	
5	• ტექნიკური დავალების დანართი N2.1. - საპროექტო დოკუმენტაცია (ტექნიკური დავალების დანართი N2.1.1.-იდან ტექნიკური დავალების დანართი N2.1.15.-ის ჩათვლით) • ტექნიკური დავალების დანართი N2.2. - ზოგადი სპეციფიკაციები • ტექნიკური დავალების დანართი N2.3. - დეტალური სპეციფიკაციები	იხილეთ ელექტრონულ სისტემაში დამატებით ატვირთული დოკუმენტები
6	დანართი N3- ინფორმაცია მშენებლობის გრაფიკის შესახებ	იხილეთ ელექტრონულ სისტემაში დამატებით ატვირთული დოკუმენტი
7	დანართი N4 შესრულებული სამუშაოების საგარანტიო ვადებისა (დეფექტების პასუხივმგებლობის პერიოდი) და ობიექტის დაზღვევის შესახებ	14
8	სახელმწიფო შესყიდვის შესახებ ხელშეკრულების პროექტი	16
9	დანართი N5- ხელშეკრულების შესრულების უზრუნველყოფის საბანკო გარანტიის ფორმა	33

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.2. შესყიდვის პროცედურები ტარდება სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ 26^ე მუხლით დადგენილი „სამშენებლო სამუშაოების შესასყიდად გამოცხადებული ტენდერის ჩატარების განსხვავებული წესის“ შესაბამისად.

1.3. ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იყოს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.5. პრედენდენტს არა აქვს უფლება წარმოადგინოს ალტერნატიული სატენდერო წინადადება

1.6. ინსტრუქცია ამხანაგობის სახელით ტენდერში მონაწილეობაზე:

1.6.1. ელექტრონულ ტენდერში ამხანაგობის სახელით ტენდერში მონაწილეობის პირობები გათვალისწინებულია სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ 10¹ მუხლისა და წინამდებარე ელექტრონული ტენდერის სატენდერო დოკუმენტაციით მოცემული პირობების შესაბამისად.

1.6.2. ტენდერში ერთობლივად მონაწილეობის მიზნით, ორ ან რამდენიმე მიმწოდებელს უფლება აქვს, გაერთიანდეს ერთობლივი საქმიანობის (ამხანაგობის) ხელშეკრულებით. მხარეთა შეთანხმებით ერთობლივი საქმიანობის (ამხანაგობის) ხელშეკრულება შესაძლებელია გაფორმდეს ერთ ან რამდენიმე ტენდერში მონაწილეობის მიზნით.

1.6.3. ერთობლივი საქმიანობის (ამხანაგობის) ხელშეკრულებას მიმწოდებლები აფორმებენ წერილობითი ფორმით, რომელსაც ხელს უნდა აწერდეს მისი ყველა მონაწილე. მონაწილეთა შეთანხმებით, ხელშეკრულება ან მათი ხელმოწერების ნამდვილობა უნდა დაამოწმოს ნოტარიუსმა ან კანონით გათვალისწინებულმა სხვა პირმა. ხელშეკრულება უნდა შეიცავდეს საქართველოს სამოქალაქო კოდექსის 931-ე მუხლის მე-2 ნაწილით განსაზღვრულ პირობებს. ამასთან, მიმწოდებლები ხელშეკრულების პირობებზე შეთანხმებისას ვალდებული არიან, გაითვალისწინონ, რომ:

ა) ერთობლივი საქმიანობის (ამხანაგობის) ხელშეკრულების მოქმედების ვადა არ შეიძლება იყოს სახელმწიფო შესყიდვის შესახებ ხელშეკრულებ(ებ)ის მოქმედების ვადაზე ნაკლები, რომელიც მოცემულ შემთხვევაში განისაზღვრება 2019 წლის 31 დეკემბრის ჩათვლით;

ბ) სახელმწიფო შესყიდვის შესახებ ხელშეკრულებ(ებ)ის ფარგლებში ნაკისრი ვალდებულებების შესრულებამდე, დაუშვებელია ამხანაგობის მონაწილის შეცვლა ან დამატება;

გ) სახელმწიფო შესყიდვის შესახებ ხელშეკრულებ(ებ)ის ფარგლებში ნაკისრი ვალდებულებების შესრულებამდე, ამხანაგობიდან მისი ერთ-ერთი მონაწილის გასვლა იწვევს ერთობლივი საქმიანობის შეწყვეტას;

დ) ამხანაგობა შემსყიდველი ორგანიზაციის წინაშე წარმოდგენილი უნდა იყოს მის ხელმძღვანელობასა და წარმომადგენლობაზე უფლებამოსილი ფიზიკური პირით, რომელიც შეირჩევა ამხანაგობის მონაწილეთაგან.

1.6.4. ერთობლივი საქმიანობის (ამხანაგობის) ხელშეკრულების გაფორმების შემდეგ, ამხანაგობა ვალდებულია, დადგენილი წესით, დადგეს საგადასახადო აღრიცხვაზე და დარეგისტრირდეს სისტემაში. სისტემაში რეგისტრაციისთვის აუცილებელია ამხანაგობის მონაწილე ყველა მიმწოდებელი იყოს რეგისტრირებული სისტემაში. ამხანაგობის პროფილში მიეთითება მისი მონაწილე მიმწოდებლების რეკვიზიტები და იტვირთება ერთობლივი საქმიანობის (ამხანაგობის) ხელშეკრულება (არსებობის შემთხვევაში, ატვირთვას ექვემდებარება ამ ხელშეკრულებაში შემდგომი ცვლილებებიც).

1.6.5. ტენდერში ამხანაგობა მონაწილეობას იღებს და სატენდერო წინადადებას წარადგენს, როგორც

დამოუკიდებელი პრეტენდენტი. ამხანაგობასა და მის მონაწილეებს ეკრძალებათ ერთსა და იმავე ტენდერში ინდივიდუალურად მონაწილეობა. ასეთ შემთხვევაში, ამხანაგობა და მისი მონაწილე/მონაწილეები ექვემდებარებიან დისკვალიფიკაციას სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-13 მუხლის მე-2 პუნქტის „ზ“ ქვეპუნქტის საფუძველზე.

1.6.6. ამხანაგობის მონაწილეები უფლებამოსილი არიან, შეასრულონ ხელშეკრულებით გათვალისწინებული ვალდებულებების სხვადასხვა ნაწილი, თუ შესაძლებელია მათი გამოცალკევება მთლიანი ვალდებულებიდან და დამოუკიდებლად შესრულება, იმგვარად, რომ აღნიშნულმა, ალბათობის მაღალი ხარისხით, არ უნდა გამოიწვიოს საბოლოო შედეგის განადგურება, დაზიანება ან/და შედეგით სარგებლობის შეუძლებლობა. ამხანაგობის მონაწილეებმა ტექნიკურ დოკუმენტაციაში მკაფიოდ უნდა განსაზღვრონ, თუ თითოეული მონაწილე კონკრეტულად რომელ ვალდებულებას შეასრულებს სახელმწიფო შესყიდვის შესახებ ხელშეკრულების ფარგლებში.

1.6.7. ამხანაგობის მიერ სატენდერო პირობების დაკმაყოფილების საკითხი განიხილება შემდეგნაირად:

ა) ამხანაგობის მონაწილეთა ტექნიკური დოკუმენტაციის სატენდერო პირობებთან შესაბამისობა დგინდება მონაწილის მიერ შესასრულებელი ვალდებულებებისადმი დადგენილ მოთხოვნასთან მიმართებით, წინამდებარე ინსტრუქციის 1.6.6. პუნქტის მოთხოვნათა გათვალისწინებით. ამასთან, დასაშვებია ამხანაგობის მონაწილეთა ფინანსური და მატერიალურ-ტექნიკური შესაძლებლობების დაჯამება, ხოლო არ დაიშვება გამოცდილების შეკრება;

ბ) საკვალიფიკაციო მონაცემების დამადასტურებელი დოკუმენტები (მათი მოთხოვნის შემთხვევაში) შემსყიდველ ორგანიზაციას წარედგინება, როგორც ამხანაგობის, ასევე მისი მონაწილეების შესახებ. **(არ გამოიყენება)**

1.6.8. თუ ერთობლივი საქმიანობის (ამხანაგობის) ხელშეკრულება არ არის გაფორმებული წინამდებარე ინსტრუქციის 1.6.3. პუნქტის შესაბამისად, ამხანაგობამ არ იმოქმედა წინამდებარე ინსტრუქციის 1.6.4. მიხედვით ან ამხანაგობის ტექნიკური დოკუმენტაცია არ არის შედგენილი წინამდებარე ინსტრუქციის 1.6.6. პუნქტის მოთხოვნათა გათვალისწინებით, ამხანაგობა ექვემდებარება დისკვალიფიკაციას სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-13 მუხლის მე-2 პუნქტის „ა“ ქვეპუნქტის საფუძველზე.

1.6.9. ტენდერში მონაწილეობა ეკრძალება იმ ამხანაგობას, რომლის მონაწილეს რეგისტრირებულია შავ სიაში.

1.6.10. ერთობლივი საქმიანობის (ამხანაგობის) მონაწილეები შემსყიდველი ორგანიზაციის წინაშე პასუხს აგებენ სოლიდარულად.

1.6.11. თუ ამხანაგობის მიმართ წარმოიშვა შავ სიაში რეგისტრაციის საფუძველი, სააგენტოს სათანადო გადაწყვეტილება მიიღება, როგორც ამხანაგობის, ასევე მისი მონაწილეების მიმართ.

1.6.12. ერთობლივი საქმიანობის შეწყვეტა იწვევს სახელმწიფო შესყიდვის შესახებ ხელშეკრულებ(ებ)ის შეწყვეტას. ამასთან, ერთობლივი საქმიანობის (ამხანაგობის) მონაწილეები პასუხს აგებენ სახელმწიფო შესყიდვის შესახებ ხელშეკრულებ(ებ)ის შეწყვეტით დამდგარი შედეგისთვის.

1.6.13.. ერთობლივი საქმიანობის (ამხანაგობის) ხელშეკრულებასთან დაკავშირებული სამართალურთიერთობები, წინამდებარე ინსტრუქციისა და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ 10¹ მუხლის თავისებურებათა გათვალისწინებით, წესრიგდება საქართველოს სამოქალაქო კოდექსით

2. ტექნიკური დოკუმენტაცია

2.1. პრეტენდენტის მიერ ერთიან ელექტრონულ სისტემაში ასატვირთი ინფორმაცია:

ა) სატენდერო დოკუმენტაციის დანართი №1 - ხარჯთაღრიცხვა (რომელიც ატვირთულია სახელმწიფო შესყიდვების ერთიან ელექტრონულ სისტემაში, როგორც PDF ფორმატით, ასევე Excel-ის დოკუმენტის სახით):

დანართის N1 (ხარჯთაღრიცხვა) წარდგენისა და შედგენის ინსტრუქცია:

ა.ა.) სატენდერო წინადადების ფასის დაფიქსირების შემდეგ, პრეტენდენტს უფლება აქვს, ელექტრონული ვაჭრობის ძირითადი დროის დასრულებამდე, მხოლოდ ერთხელ შეამციროს მის მიერ წარდგენილი სატენდერო წინადადების ფასი არანაკლებ ერთი ბიჯის ოდენობით. ამავდროულად, სატენდერო წინადადების ფასის შემცირებასთან ერთად, პრეტენდენტი ვალდებულია, სისტემაში ატვირთოს შეცვლილი ფასის შესაბამისი დანართი N1 (ხარჯთაღრიცხვა). ელექტრონული ვაჭრობის დამატებითი რაუნდები არ იმართება.

ა.ბ.) სატენდერო დოკუმენტაციის დანართი N1 (ხარჯთაღრიცხვა) წარმოდგენილი უნდა იყოს PDF ფორმატით, რომელიც ხელმოწერილი და ბეჭდით დამოწმებული (ბეჭდის არსებობის შემთხვევაში) უნდა იყოს პრეტენდენტის უფლებამოსილი პირის მიერ.

ა.გ.) პრეტენდენტი უფლებამოსილია ასევე დამატებით წარმოდგინოს დანართი N1 (ხარჯთაღრიცხვა) Excel-ის დოკუმენტის სახით. იმ შემთხვევაში თუ დანართი N1 (ხარჯთაღრიცხვა) წარმოდგენილი იქნება მხოლოდ Excel-ის დოკუმენტის სახით, ასეთ შემთხვევაში შეფასება განხორციელდება Excel-ის დოკუმენტში მითითებული ინფორმაციის შესაბამისად, ხოლო დაზუსტების მოთხოვნასთან ერთად პრეტენდენტმა სავალდებულოდ უნდა წარმოდგინოს დანართი N1 (ხარჯთაღრიცხვა) PDF ფორმატით, რომელიც სავალდებულოდ ხელმოწერილი და ბეჭდით დამოწმებული (ბეჭდის არსებობის შემთხვევაში) უნდა იყოს პრეტენდენტის უფლებამოსილი წარმომადგენლის მიერ.

ა.დ.) დანართში N1 (ხარჯთაღრიცხვა) საერთო და ერთეულის ფასებში გათვალისწინებული უნდა იყოს შესყიდვის ობიექტის მიწოდებასთან დაკავშირებული ყველა ხარჯი, რომელიც პირდაპირ არ არის მითითებული დანართის N1 (ხარჯთაღრიცხვა) ჩამონათვალში და რომელთა გათვალისწინებაც აუცილებელია შესყიდვის ობიექტის სრულფასოვანი მიწოდებისთვის.

ა.ე.) იმ შემთხვევაში თუ დანართით N1 (ხარჯთაღრიცხვა) გათვალისწინებული, რომელიმე პოზიციაზე არ იქნება წარმოდგენილი ერთეულის ფასი ან/და საერთოდ გამორჩენილი იქნება დანართით N1 (ხარჯთაღრიცხვა) გათვალისწინებული რომელიმე პოზიცია, ასეთ შემთხვევაში ჩაითვლება, რომ აღნიშნული პოზიცია(ებ)ით გათვალისწინებულ სამუშაოებს პრეტენდენტი უზრუნველყოფს ღირებულების გარეშე და/ან მათი ღირებულება გადანაწილებულია სამუშაოთა ჩამონათვალით გათვალისწინებულ სხვა პოზიციებში, შესაბამისად კორექტირებული დანართის N1 (ხარჯთაღრიცხვა) წარმოდგენისას პრეტენდენტმა დაზუსტებულ დანართში N1 (ხარჯთაღრიცხვა) სავალდებულოდ უნდა გაითვალისწინოს აღნიშნული პოზიციები მოცემული მოცულობებისა და განზომილების ერთეულის ჩათვლით, ხოლო ერთეულ ღირებულებასა და საერთო ღირებულებაში უნდა მიუთითოს 0 ლარი.

ა.ე.ა.) იმ შემთხვევაში თუ ადგილი ექნება „ა.ე.“ პუნქტით გათვალისწინებულ შემთხვევას და განუფასებელი/გაუთვალისწინებელი პოზიციების შინაარსის, მოცულობისა და ღირებულების გათვალისწინებით სატენდერო კომისია მიიჩნევს რომ განუფასებელი/გაუთვალისწინებელი სამუშაოების ღირებულების გარეშე შესრულებამ შესაძლებელია წარმოშვას ტენდერით გათვალისწინებული შესყიდვის ობიექტის სრულფასოვნად მიწოდების რისკი, პრეტენდენტის დისკვალიფიკაცია განხორციელდება კორექტირებული დანართის N1 (ხარჯთაღრიცხვა) მოთხოვნის გარეშე.

ა.გ.) დანართის N1 (ხარჯთაღრიცხვა), მათ შორის კორექტირებული დანართის N1 (ასეთის გამოყენების შემთხვევაში) შევსებისა და წარმოდგენის დამატებითი მოთხოვნები მოცემულია დანართის N1 (ხარჯთაღრიცხვა) თავის „ნაკრები ხარჯთაღრიცხვა“ შენიშვნის ველში, რომელთა გათვალისწინებაც სავალდებულოა, როგორც თავდაპირველი, ასევე კორექტირებული დანართის N1 (ხარჯთაღრიცხვა) შედგენის დროს.

ა.ზ.) დანართის N1 (ხარჯთაღრიცხვა) წარმოდგენლობა გამოიწვევს პრეტენდენტის დისკვალიფიკაციას ელექტრონული ტენდერის პროცედურებიდან.

ბ) სატენდერო დოკუმენტაციის დანართი N2 - თანხმობა სატენდერო დოკუმენტაციით გათვალისწინებულ ტექნიკური დავალებაზე;

გ) სატენდერო დოკუმენტაციის დანართი N3 - თანხმობა სამუშაოების შესრულების გრაფიკზე (იხილეთ შესყიდვების ერთიან ელექტრონულ სისტემაში დამატებით ატვირთული დოკუმენტი „სატენდერო დოკუმენტაციის დანართი N3 - მშენებლობის გრაფიკი“)

დ) სატენდერო დოკუმენტაციის დანართი N4 - თანხმობა შესრულებული სამუშაოების საგარანტიო ვადებისა (დეფექტების პასუხისმგებლობის პერიოდი) და ობიექტის დაზღვევის შესახებ;

ე) ინფორმაცია ამხანაგობის მონაწილეთა მიერ წინადადებაზე ელექტრონული ტენდერით გათვალისწინებული ვალდებულებების შესრულების შესახებ.

ამხანაგობის მონაწილეებმა მკაფიოდ უნდა განსაზღვრონ, თუ თითოეული მონაწილე კონკრეტულად რომელ ვალდებულებას შეასრულებს წინამდებარე ელექტრონულ ტენდერში ამხანაგობის გამარჯვების შემთხვევაში სახელმწიფო შესყიდვის შესახებ ხელშეკრულების ფარგლებში. აღნიშნული ინფორმაციის წარმოდგენა ხდება მხოლოდ ამხანაგობის მიერ.

ვ) სატენდერო წინადადების ხელის მომწერისათვის უფლებამოსილი პირის მიერ გაცემული მინდობილობა (საჭიროების შემთხვევაში)

ვ) დოკუმენტაცია ანალოგიური სამუშაოების გამოცდილების შესახებ:

სამშენებლო-სამონტაჟო სამუშაოების გამოცდილების დამადასტურებელი დოკუმენტები, რომლის თანახმადაც უნდა დასტურდებოდეს, რომ პრეტენდენტს 2006-2017 წლების განმავლობაში მიწოდებული აქვს:

1. კომპონენტი N1 - მგზავრების გადაყვანის უზრუნველსაყოფად არანაკლებ 1 (ერთი) კილომეტრი ქანქარის ან გონდოლის ან სავარძლის ტიპის ახალი საბაგირო გზის ან არსებული საბაგირო გზის რეაბილიტაციის ან რეკონსტრუქციის სამშენებლო-სამონტაჟო სამუშაოები, რომელიც სავალდებულოდ უნდა მოიცავდეს საბაგირო გზის მზიდი ბაგირის შეცვლის სამუშაოებს.

2. კომპონენტი N2 - რკინა-ბეტონის კონსტრუქციების მონტაჟის სამუშაოები, რომლის მოცულობაც არ უნდა იყოს 1 300 (ერთი ათას სამასი) კუბურ მეტრზე ნაკლები.

ამხანაგობის ტენდერში მონაწილეობის შემთხვევაში:

ამხანაგობაში შემავალი პირები ერთობლივად უნდა აკმაყოფილებდნ ორივე კომპონენტით გათვალისწინებულ მოთხოვნას, იმ განსხვავების გათვალისწინებით, რომ თითოეული კომპონენტის (კომპონენტი N1 ან კომპონენტი N2) ფარგლებში გამოცდილების მოცულობის შეკრება არ დაიშვება.

გამოცდილების შეკრებად არ განიხილება შემთხვევა, როდესაც ამხანაგობაში შემავალი თითოეული პირი დამოუკიდებლად დააკმაყოფილებს რომელიმე კომპონენტით (კომპონენტი N1 ან კომპონენტი N2) გათვალისწინებულ მოთხოვნას.

სავალდებულო მოთხოვნა:

გამოცდილების დამადასტურებელი დოკუმენტები სავალდებულოდ დამოწმებული უნდა იყოს დამკვეთის უფლებამოსილი წარმომადგენლის მიერ, შედგენილი უნდა იყოს ისე, რომ სატენდერო კომისიამ შეძლოს შესრულებული სამუშაოს შინაარსისა და მოცულობის განსაზღვრა.

2.2. ტექნიკური დავალება, სამუშაოს შესრულების პირობები და ვადები

2.2.1. ტექნიკური დავალება განსაზღვრულია სატენდერო დოკუმენტაციის დანართის N2 და მისი დანართების მიხედვით. გასაწევი სამუშაოს ჩამონათვალი განსაზღვრულია სატენდერო დოკუმენტაციის დანართი N1-ის (ხარჯთაღრიცხვა) მიხედვით.

2.2.2. სამუშაოს მიწოდების საერთო ვადა შეადგენს 7 კალენდარულ თვეს, ხელშეკრულების გაფორმების თარიღიდან, სამუშაოების მიწოდების საერთო ვადა მოიცავს საბაგირო გზის გაშვება-გამართვის, გამოცდის, საბაგირო გზების დამატებითი კონტროლის განხორციელებისა და აუცილებლობის შემთხვევაში მისი რეგულირება/გადაჭერის პერიოდს.

2.2.3. სამუშაოების მიწოდების კალენდარული გრაფიკი მოცემულია სატენდერო დოკუმენტაციის დანართში N3 (იხილეთ შესყიდვების ერთიან ელექტრონულ სისტემაში დამატებით ატვირთული დოკუმენტი „სატენდერო დოკუმენტაციის დანართი N3 - მშენებლობის გრაფიკი“).

2.3. სატენდერო წინადადების ფასი და დააგნარიშების წესი.

2.3.1 პრეტენდენტმა სატენდერო წინადადების ფასი უნდა წარმოადგინოს სატენდერო დოკუმენტაციის დანართის N1 (ხარჯთაღრიცხვა) მიხედვით. (წარდგენისა და შევსების ინსტრუქცია მოცემულია სატენდერო დოკუმენტაციის ნაწილის „ტექნიკური დოკუმენტაცია“ 2.1. პუნქტის „ა“ ქვეპუნქტით და დანართის N1 (ხარჯთაღრიცხვა) „ნაკრები ხარჯთაღრიცხვა“ შენიშვნის ველში).

2.3.2. დანართში N1 (ხარჯთაღრიცხვა) ფასი წარმოდგენილი უნდა იყოს ლარში, დანართში N1 (ხარჯთაღრიცხვა) მოცემული სამუშაოების საერთო და ერთეულის ფასებში გარდა მოცემული სამუშაოების ღირებულებისა გათვალისწინებული უნდა იყოს შესყიდვის ობიექტის მიწოდებასთან დაკავშირებული ყველა ხარჯი, რომელიც პირდაპირ არ არის მითითებული დანართის N1 (ხარჯთაღრიცხვა) ჩამონათვალში, ასეთი ხარჯებს განეკუთვნება: სამშენებლო მოედნის მომზადების, მობილიზაციის, სამშენებლო მასალებისა და აუცილებელი მანქანა-მექანიზმების მობილიზაციის, ფრანგული კომპანია „პომაგალსკის“ მიერ ქ. ჭიათურაში მიწოდებული საბაგირო გზების მაკომპლექტებელი მოწყობილობების (საყრდენი ანძები, გონდოლები, გორგოლაჭები, ბაგირი და სხვა აუცილებელი მაკომპლექტებელი ნაწილები) ჩამოტვირთვის (საორიენტაციო მოცულობა 15 კონტეინერი +- 5 კონტეინერი) და აღნიშნული მოწყობილობების საწყობში განთავსების, საწყობის მართვის, საწყობის დაცვის მომსახურების, საბაგირო გზების მაკომპლექტებელი მოწყობილობების საწყობიდან გატანა-ტრანსპორტირების, სათანადო კატეგორიისა და კვალიფიკაციის სპეციალისტების მობილიზაციისა და ხელფასის, ასევე აუცილებელი მანქანა-მექანიზმების მომსახურების, დროებითი ნაგებობების მოწყობისა და დემონტაჟის (ასეთის აუცილებლობის შემთხვევაში) ნარჩენებისა და მასალებისგან სამშენებლო ობიექტის გათავისუფლების, ობიექტის გამოცდისთვის და მისი ექსპლოატაციაში მიღებასთან გასატარებელი ღონისძიებების, სატენდერო დოკუმენტაციით გათვალისწინებული დაზღვევის, ხელშეკრულების შესრულების უზრუნველყოფისა და წინასწარი ანგარიშსწორების (საავანსო გადახის) საბანკო გარანტიის (ასეთის გამოყენების შემთხვევაში), ხარჯთაღრიცხვის ექსპერტიზის (ასეთი ექსპერტიზის ჩატარების აუცილებლობის შემთხვევაში), ტექნიკური დავალებისა და ტექნიკური დავალების დანართებში მითითებული გასატარებელი ღონისძიებების ხარჯები და მოქმედი კანონმდებლობით გათვალისწინებული ყველა გადასახადი და მოსაკრებელი, ასევე შესყიდვის ობიექტის სრულფასოვნად მიწოდებისთვის აუცილებელი ყველა ხარჯები.

2.3.3. ხარჯთაღრიცხვის შედგენისას უნდა იყოს გათვალისწინებული საქართველოს მთავრობის 2014 წლის 14 იანვრის N55 დადგენილებით დამტკიცებული რეგამლმენტი „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმური მოგების განსაზღვრის წესის დამტკიცების შესახებ“.

2.3.4. პრეტენდენტის მიერ სისტემაში დაფიქსირებულ საბოლოო ფასსა და სავარაუდო ღირებულებას შორის 20%-ით ან მეტი ოდენობით სხვაობისას, წინამდებარე ელექტრონული ტენდერისთვის სტატუსის „წინადადებების მიღება დასრულებულია მინიჭებიდან 10 სამუშაო დღის განმავლობაში პრეტენდენტი ვალდებულია, საკუთარი ხარჯებით უზრუნველყოს ფასწარმოქმნის ადეკვატურობის და/ან ამ ფასად ტენდერით გათვალისწინებული ვალდებულების მიწოდების შესაძლებლობის შესახებ ხარჯთაღრიცხვის ექსპერტიზის ჩატარება და სახელმწიფო შესყიდვების ერთიანი ელექტრონული სისტემის საშუალებით წარმოდგენა. აღნიშნული ექსპერტიზა ჩატარებული უნდა იქნას სსიპ „ლევან სამხარაულის სახელობის ექსპერტიზის ეროვნული ბიურო“-ს ან სსიპ „აკრედიტაციის ერთიანი ეროვნული ორგანო - აკრედიტაციის ცენტრი“-ს მიერ აღნიშნულ სფეროში აკრედიტებული სხვა საექსპერტო დაწესებულების მიერ.

შენიშვნა:

სსიპ „აკრედიტაციის ერთიანი ეროვნული ორგანო - აკრედიტაციის ცენტრი“-ს მიერ აღნიშნულ სფეროში აკრედიტებული საექსპერტო დაწესებულების მიერ გაცემული ექსპერტიზის ჩატარების შემთხვევაში დასკვნასთან ერთად წარმოდგენილი უნდა იყოს აღნიშნულ საექსპერტო დაწესებულებაზე სსიპ „აკრედიტაციის ერთიანი ეროვნული ორგანო - აკრედიტაციის ცენტრი“-ს მიერ გაცემული აკრედიტაციის მოწმობა.

2.3.5. სატენდერო დოკუმენტაციის ნაწილის „ტექნიკური დოკუმენტაცია“ 2.3.4. პუნქტით გათვალისწინებული გარემოების არსებობის შემთხვევაში პრეტენდენტი ვალდებულია შემსყიდველის მხრიდან რაიმე დამატებითი შეტყობინების მიღების გარეშე, წინამდებარე ელექტრონული ტენდერისთვის სტატუსის „წინადადებების მიღება დასრულებულია მინიჭებიდან 10 სამუშაო დღის განმავლობაში დამოუკიდებლად უზრუნველყოს 2.3.4. პუნქტით გათვალისწინებული საექსპერტო დაწესებულების მიერ შედგენილი ექსპერტიზის დასკვნის წარმოდგენა. ზემოხსენებული ექსპერტიზის დასკვნის წარმოდგენლობა ან წინამდებარე ელექტრონული ტენდერისთვის სტატუსის „წინადადებების მიღება დასრულებულია მინიჭებიდან 10 სამუშაო დღის შემდეგ წარმოდგენა

გამოიწვევს პრეტენდენტის დისკვალიფიკაციას.

2.4. ანგარიშსწორების პირობები:

ანგარიშსწორების პირობები და გადახდის წესი მოცემულია ხელშეკრულების ზოგადი პირობების მე-6 მუხლში.

2.5. ხელშეკრულების შესრულების უზრუნველყოფის საბანკო გარანტია

2.5.1 ტენდერში გამოიყენება ხელშეკრულების შესრულების უზრუნველყოფის საბანკო გარანტია, სახელშეკრულებო ღირებულების 5%-ის ფარგლებში, ხოლო თეთრ სიაში რეგისტრირებული მიმწოდებლებისათვის საბანკო გარანტიის მოცულობა განისაზღვრება სახელშეკრულებო ღირებულების 2.5%-ის ფარგლებში.

2.5.2. პრეტენდენტის მიერ სისტემაში დაფიქსირებულ საბოლოო ფასსა და სავარაუდო ღირებულებას შორის 20%-ზე მეტი ოდენობით სხვაობისას, ხელშეკრულების შესრულების უზრუნველყოფის საბანკო გარანტიის ოდენობა განისაზღვრება სახელშეკრულებო ღირებულების 10%-ის ოდენობით, ხოლო თეთრ სიაში რეგისტრირებული მიმწოდებლებისათვის საბანკო გარანტიის მოცულობა განახევრდება.

2.5.3. ხელშეკრულების შესრულების უზრუნველყოფის გარანტია არ გამოიყენება თუ გამარჯვებული პრეტენდენტის სატენდერო წინადადების ფასი იქნება 200 000 (ორასი ათასი) ლარზე ნაკლები.

2.5.4. ხელშეკრულების შესრულების უზრუნველყოფის საბანკო გარანტიის წარმოდგენის პირობები:

2.5.4.1. ხელშეკრულების შესრულების უზრუნველყოფის საბანკო გარანტიის მოქმედების ვადა მინიმუმ 60 კალენდარული დღით უნდა აღემატებოდეს სამუშაოთა მიწოდების საბოლოო ვადას.

2.5.4.2. ხელშეკრულების შესრულების უზრუნველყოფის საბანკო გარანტია წარმოდგენილი უნდა იყოს სატენდერო დოკუმენტაციის დანართით N5 გათვალისწინებული შინაარსის დაცვით, შესაბამისად პრეტენდენტი წინამდებარე ტენდერში მონაწილეობის გზით, ავტომატურად გამოხატავს ვალდებულებას, რომ მზად არის (შეათანხმებული აქვს საქართველოში მოქმედ ბანკთან) წარმოადგინოს სატენდერო დოკუმენტაციის დანართით N5 გათვალისწინებული შინაარსის ხელშეკრულების შესრულების უზრუნველყოფის საბანკო გარანტია, რომელიც სავალდებულოდ გაცემული უნდა იყოს საქართველოში მოქმედი ბანკიდან

შენიშვნა:

ამხნაგობის მიერ ხელშეკრულების შესრულების უზრუნველყოფის საბანკო გარანტიის წარმოდგენის შემთხვევაში, ხელშეკრულების შესრულების უზრუნველყოფის საბანკო გარანტიაში მითითებული უნდა იყოს ამხანაგობაში შემავალი ყველა პირი.

2.6. დაფინანსების წყარო: სახელმწიფო ბიუჯეტიდან გამოყოფილი სახსრები.

2.7. დამატებითი ინფორმაცია:

2.7.1. ტენდერისთვის სტატუსის „ტენდერი გამოცხადებულია“ მინიჭებიდან სტატუსის „წინადადებების მიღება დასრულებულია“ მინიჭებამდე არაუგვიანეს 24 საათისა, სისტემაში „მიმწოდებლად“ რეგისტრირებულ ნებისმიერ მომხმარებელს უფლება აქვს, სახელმწიფო შესყიდვების ერთიან ელექტრონულ სისტემაში არსებული „კითხვა-პასუხის“ მოდულის მეშვეობით, მოითხოვოს სატენდერო პირობების კონკრეტული ჩანაწერის განმარტება. კითხვის დასმიდან არაუგვიანეს მომდევნო სამუშაო დღისა, „კითხვა-პასუხის“ მოდულის მეშვეობით, განხორციელდება შესაბამისი განმარტება, რითაც შესაძლებელია იხელმძღვანელოს ნებისმიერმა დაინტერესებულმა პირმა.

2.7.2. იმ შემთხვევაში თუ კითხვის დასმიდან ტენდერისთვის სტატუსის „წინადადებების მიღება დასრულებულია“ მინიჭებამდე დარჩენილია 24 საათზე ნაკლები, განმარტება განხორციელდება ტენდერისთვის სტატუსის „წინადადებების მიღება დასრულებულია“ მინიჭებამდე არაუგვიანეს 2 საათისა.

2.7.3. ყველაზე დაბალი ფასის წინადადების მქონე პრეტენდენტს სატენდერო პირობების ჩანაწერის ან/და შემსყიდველი ორგანიზაციის გადაწყვეტილების/ქმედების თაობაზე განმარტების მოთხოვნის უფლება ასევე აქვს ტენდერისთვის სტატუსის „წინადადებების მიღება დასრულებულია“ მინიჭებიდან სტატუსის „ხელშეკრულება დადებულია“ მინიჭებამდე. ასეთ შემთხვევაში შესაბამისი განმარტება განხორციელდება გონივრულ ვადაში

2.7.4. სატენდერო დოკუმენტაციასთან დაკავშირებული განმარტებებისა და დამატებითი ინფორმაციის გაცემაზე უფლებამოსილი პირი არის სატენდერო კომისიის აპარატის წევრი გიორგი ბულეიშვილი საკონტაქტო ინფორმაცია: +995 32 2437001; 2437002/03/04 (შიდა ნომერი 414). მობილური 595 107878

ტექნიკური დავალება

სამონტაჟო სამუშაოების მიწოდება ხორციელდება ფრანგული კომპანია „პომაგალსკის“ (რომელიც ტექნიკური დავალების დანართებში ასევე შესაძლებელია მითითებული იყოს როგორც „პომა“ (**poma**) მიერ ქ. ჭიათურაში მიწოდებული რევერსიული გონდოლებიანი საბაგირო-სატრანსპორტო სისტემების მთლიანი კომპლექტაციის (საყრდენი ანძები, გონდოლები, გორგოლაჭები, ბაგირი და სხვა აუცილებელი მაკომპლექტებელი მოწყობილობები და ნაწილები) გამოყენებით.

მიმწოდებელს დეტალურად უნდა ჰქონდეს შესწავლილი ადგილობრივი ბაზარი ობიექტის მასალების შეუფერხებელი მომარაგების თვალსაზრისით, უნდა იცნობდეს ადგილობრივ სპეციფიკას, ითვალისწინებდეს როგორც გლობალურ, ასევე ლოკალურ საბაზრო კონიუნქტურას, ობიექტის გეოგრაფიულ მდებარეობას, ბუნებრივ პირობებს. მიმწოდებელმა უნდა გაითვალისწინოს, რომ სამუშაოების მიწოდება უნდა განხორციელდეს შეზღუდული სამუშაო სივრცის პირობებში, დასახლებულ პუნქტში. მიმწოდებელს კარგად უნდა ჰქონდეს შესწავლილი ობიექტის გეოგრაფიული მდებარეობა და ბუნებრივი პირობები, მასალების და აუცილებელი მანქანა-მექანიზმების სამშენებლო ობიექტამდე ტრანსპორტირების მარშრუტი (საავტომობილო გზების, ხიდების, გვირაბების პარამეტრები, მდგომარეობა, გამავლიანობა).

ახალი რევერსიული გონდოლებიანი საბაგირო-სატრანსპორტო სისტემების სამონტაჟო და შესაბამისი ინფრასტრუქტურული ობიექტების სამშენებლო სამუშაოების დეტალური ჩამონათვალი განსაზღვრულია **სატენდერო დოკუმენტაციის** დანართის №1 მიხედვით (ხარჯთაღრიცხვა).

განსახორციელებელი სამშენებლო პროექტის შემადგენელი ნაწილები, სპეციფიკაციები და სხვა აუცილებელი ინფორმაცია, რომელთა გათვალისწინებაც აუცილებელია შესყიდვის ობიექტის მიწოდებასთან მოცემულია ამ ტექნიკური დავალების დანართებში, რომლებიც ცალკე ფაილის სახით ატვირთულია სახელმწიფო შესყიდვების ერთიან ელექტრონულ სისტემაში.

ტექნიკური დავალების დანართები:

- ტექნიკური დავალების დანართი N2.1. - საპროექტო დოკუმენტაცია (ტექნიკური დავალების დანართი N2.1.1.-იდან ტექნიკური დავალების დანართი N2.1.15-ის ჩათვლით)
- ტექნიკური დავალების დანართი N2.2. - ზოგადი სპეციფიკაციები
- ტექნიკური დავალების დანართი N2.3. - დეტალური სპეციფიკაციები

✓ **შენიშვნა:** ტექნიკური დავალების დანართები წარმოადგენს წინამდებარე ტექნიკური დავალებისა და შესაბამისად სატენდერო დოკუმენტაციის განუყოფელ ნაწილს, რომელიც შემდგომში განისაზღვრება ხელშეკრულების დანართის სახით.

მიმწოდებელმა თანმდევი მომსახურების სახით საკუთარი ხარჯებით უნდა უზრუნველყოს:

ა) ფრანგული კომპანია „პომაგალსკის“ მიერ ქ. ჭიათურაში მიწოდებული რევერსიული გონდოლებიანი საბაგირო-სატრანსპორტო სისტემების მთლიანი კომპლექტაციის (საყრდენი ანძები, გონდოლები, გორგოლაჭები, ბაგირი და სხვა აუცილებელი მაკომპლექტებელი მოწყობილობები და ნაწილები) (საორიენტაციო მოცულობა 100 კონტეინერი + - 5 კონტეინერი) (შემდგომში ტვირთი) უსაფრთხო გადმოტვირთვა, მისი საწყობში განთავსება და საწყობის მართვა.

ა.ა.) რევერსიული გონდოლებიანი საბაგირო-სატრანსპორტო სისტემების მთლიანი კომპლექტაციის გადმოტვირთვისა და საწყობში განთავსების მიზნით მიმწოდებელმა უნდა უზრუნველყოს:

- გადმოტვირთვისთვის და საწყობში განთავსებისთვის აუცილებელი მანქანა-მექანიზმებისა და კვალიფიციური პერსონალის მობილიზება;
- ტვირთის დაზიანების/დაკარგვის/განადგურების რისკის თავიდან აცილების მიზნით ქ. ჭიათურაში მიწოდებული საბაგირო-სატრანსპორტო სისტემების კომპლექტაციის დაზღვევა საქართველოში

რეგისტრირებული საფინანსო ინსტიტუტის მიერ გაცემული დაზღვევის პოლისის გამოყენებით, რომელიც უნდა ფარავდეს მიმწოდებლისთვის რევერსიული გონდოლებიანი საბაგირო-სატრანსპორტო სისტემების შესახებ დოკუმენტაციის გადაცემიდან აღნიშნული სისტემების სამშენებლო მოედანზე ტრანსპორტირების პერიოდს;

- თითოეული მიწოდებული ტვირთის პარტიის (არაუმეტეს 10 კონტეინერი) უსაფრთხო გადმოტვირთვა/დასაწყობება კონტეინერის მიწოდებიდან არაუგვიანეს 24 საათის განმავლობაში. აღნიშნული პირობის დარღვევის შემთხვევაში მიმწოდებელი ვალდებულია აანაზღაუროს ქ. ჭიათურაში ტვირთის მიმწოდებელი სატრანსპორტო კომპანიის მიერ გათვალისწინებული ჯარიმა.

- ა.ბ) ტვირთის მიღების, საწყობში განთავსებისა და საწყობის მართვის პირობები:

ა.ბ.ა.) ტვირთის მიღების მიზნით მისი კონტეინერიდან ჩამოტვირთვის შემდეგ, მიმწოდებელი უფლებამოსილ წარმომადგენლის მეშვეობით შემსყიდველისა და ქ.ჭიათურამდე ტვირთის მიმწოდებელი კომპანიის უფლებამოსილ წარმომადგენელთან ერთად ახორციელებს:

1. ტვირთის კლასიფიკაციას შემდეგი პირობით:

„ა“ კატეგორიის ტვირთი, რომელიც არ იმყოფება შეფუთულ მდგომარეობაში, რომლის რაოდენობისა და ვიზუალური ხარისხობრივი მონაცემების დადგენა შესაძლებელია.

„ბ“ კატეგორიის ტვირთი, რომელიც იმყოფება შეფუთულ მდგომარეობაში და შეფუთვაში არსებული ტვირთის რაოდენობისა და ხარისხის განსაზღვრა შეუძლებელია სამონტაჟო სამუშაოების დაწყებამდე.

2. ტვირთის კლასიფიკაციის შემდეგ ყველა ჩართული მხარის მონაწილეობით ხორციელდება მიწოდებული საბაგირო-სატრანსპორტო სისტემების აღრიცხვა და ურთიერთშედარება ტვირთის თანმხლებ დოკუმენტებთან, შემდეგი პირობით:

- მხარეები ამოწმებენ ტვირთის შესაბამისობას თანმხლებ დოკუმენტებთან, დასახელებისა და რაოდენობის მიხედვით, კერძოდ:

- „ა“ კატეგორიის ტვირთის აღრიცხვა ხორციელდება ფაქტობრივად მიწოდებული ტვირთის რაოდენობის შესაბამისად;

- „ბ“ კატეგორიის ტვირთის აღრიცხვა ხორციელდება შეფუთვების რაოდენობის, შეფუთვაში არსებული საბაგირო-სატრანსპორტო სისტემების დასახელებისა და რაოდენობის მიხედვით, რომელიც მოცემულია ტვირთის თანმხლებ დოკუმენტებში;

- იმ შემთხვევაში თუ, აღრიცხვისას აღმოჩნდა, რომ დარღვეულია შეფუთვა, რომელშიც განთავსებულია „ბ“ კატეგორიის ტვირთი, ასეთ შემთხვევაში ჩართული მხარეები ახორციელებენ შეფუთვაში არსებული ტვირთის აღრიცხვას და ურთიერთშედარებას ტვირთის თანმხლებ დოკუმენტში არსებულ მონაცემებთან და ახდენენ აღნიშნული ტვირთის გადაყვანას „ა“ კატეგორიის ტვირთის კლასიფიკაციაში.

- მიწოდებული ტვირთის აღრიცხვის შემდეგ ჩართული მხარეები ამოწმებენ „ა“ კატეგორიის ტვირთის ვიზუალური ხარისხის შესაბამისობის დადგენას.

- აღრიცხვის შემდეგ ფაქტობრივი მდგომარეობის გათვალისწინებით ტვირთის მიწოდება-მიღების პროცესში ჩართული მხარეები ადგენენ მიღება-ჩაბარების აქტს, კერძოდ ქ. ჭიათურამდე ტვირთის მიმწოდებელი კომპანია გადასცემს ტვირთს შემსყიდველს, ხოლო შემსყიდველი თავის მხრივ გადასცემს ტვირთს მიმწოდებელს. მიღება-ჩაბარების აქტის გაფორმება ხორციელდება შემდეგი პირობით:

- „ა“ კატეგორიის ტვირთის მიღება-ჩაბარება ხორციელდება საბაგირო-სატრანსპორტო სისტემების დასახელებისა და მათი ფაქტობრივი რაოდენობის მიხედვით, რომლის ღირებულება განისაზღვრება ტვირთის თანმხლებ დოკუმენტში მითითებული ღირებულებისა და საქართველოს კანონმდებლობით (ინვოისით გათვალისწინებული ღირებულება, ტრანსპორტირების ღირებულება, საქართველოს კანონმდებლობით ტვირთის განბაჟებისთვის გათვალისწინებული გადასახადი და მოსაკრებელი) გათვალისწინებული გადასახადებისა და მოსაკრებლების ჩათვლით.

- „ბ“ კატეგორიის ტვირთის მიღება-ჩაბარება ხორციელდება შეფუთვების ფაქტობრივი რაოდენობისა და ტვირთის თანმხლებ დოკუმენტებში ასახული შეფუთვაში არსებული საბაგირო-სატრანსპორტო სისტემების დასახელებისა და რაოდენობის მიხედვით, რომლის ღირებულება განისაზღვრება ტვირთის თანმხლებ დოკუმენტში მითითებული ღირებულებისა და საქართველოს კანონმდებლობით (ინვოისით გათვალისწინებული ღირებულება, ტრანსპორტირების ღირებულება, საქართველოს კანონმდებლობით ტვირთის განბაჟებისთვის გათვალისწინებული გადასახადი და მოსაკრებელი) გათვალისწინებული გადასახადებისა და მოსაკრებლების ჩათვლით.

3. მიღება-ჩაბარების აქტის გაფორმების შემდეგ მიმწოდებელი ახდენს ტვრითის უსაფრთხო გადანაწილებას საწყობში და/ან საწყობის ეზოში შემსყიდველის მიერ გადაცემული ტვრითის გადანაწილების სივრცული გეგმის შესაბამისად.

ა.ბ.ბ) სამშენებლო-სამონტაჟო სამუშაოებისათვის საწყობიდან ტვრითის გატანის, სამშენებლო უბანზე ტრანსპორტირებისა და მიმწოდებლის პასუხისმგებლობის პირობები:

- მიმწოდებელი პასუხისმგებელია სამშენებლო მოედანზე ტვრითის ტრანსპორტირების მიზნით მოახდინოს აუცილებელი მანქანა-მექანიზმების მობილიზაცია და უზრუნველყოს ტვრითის უსაფრთხო გადაზიდვა.

- სამშენებლო მოედანზე „ა“ კატეგორიის ტვრითის გატანა ხორციელდება შემსყიდველის უფლებამოსილი წარმომადგენლის მონაწილეობის გარეშე, აღნიშნულ ტვრითზე მიმწოდებლის პასუხისმგებლობა განისაზღვრება ტვრითის მიღება-ჩაბარების აქტის გაფორმებიდან სამშენებლო-სამონტაჟო სამუშაოების შესახებ საბოლოო მიღება-ჩაბარების აქტის გაფორმებამდე.

- სამშენებლო მოედანზე „ბ“ კატეგორიის ტვრითის საწყობიდან გატანის მიზნით მიმწოდებელმა სამშენებლო-სამონტაჟო სამუშაოებისთვის ტვრითის საწყობიდან გატანამდე არანაკლებ 5 (ხუთი) სამუშაო დღით ადრე უნდა აცნობოს შემსყიდველის უფლებამოსილ წარმომადგენელს და უნდა წარუდგინოს მას ტვრითის გატანის გრაფიკი.

- სამშენებლო მოედანზე ტვრითის ტრანსპორტირების შემდეგ, მიმწოდებლისა და შემსყიდველის უფლებამოსილი წარმომადგენლები ახორციელებენ შეფუთვის დათვალიერებას, რომელშიც განთავსებულია „ბ“ კატეგორიის ტვრითი, ახორციელებენ შეფუთვაში არსებული ტვრითის აღრიცხვას და ურთიერთშედარებას მიღება-ჩაბარების აქტში მითითებულ მონაცემებთან, ახდენენ ტვრითის ვიზუალური ხარისხის განსაზღვრას.

- იმ შემთხვევაში თუ აღმოჩნდა, რომ შეფუთვა, რომელშიც განთავსებულია „ბ“ კატეგორიის ტვრითი არ არის დარღვეული და ტვრითის რაოდენობა ნაკლებია მიღება-ჩაბარების აქტში მითითებულ რაოდენობაზე, შემსყიდველი აღნიშნულის შესახებ აცნობებს ფრანგულ კომპანია „პომაგალსკის“ არსებული ხარვეზის აღმოფხვრის თაობაზე, ხოლო მიმწოდებელთან აფორმებს ახალ მიღება-ჩაბარების აქტს ფაქტობრივი მოცულობისა და ღირებულების შესაბამისად, რომლის შემდეგაც მიმწოდებლის პასუხისმგებლობა განისაზღვრება ტვრითის მიღება-ჩაბარების აქტის გაფორმებიდან სამშენებლო-სამონტაჟო სამუშაოების შესახებ საბოლოო მიღება-ჩაბარების აქტის გაფორმებამდე.

- იმ შემთხვევაში თუ აღმოჩნდა, რომ შეფუთვა, რომელშიც განთავსებულია „ბ“ კატეგორიის ტვრითი არ არის დარღვეული და ტვრითის ვიზუალური დათვალიერების შემდეგ აღმოჩნდა, რომ ტვრითი დაზიანებულია, დაზიანებულ ტვრითზე პასუხისმგებლობა ეკისრება მიმწოდებელს.

- იმ შემთხვევაში თუ მიმწოდებელი, შემსყიდველის უფლებამოსილი წარმომადგენლის მონაწილეობის გარეშე უზრუნველყოფს შეფუთვის გახსნას, რომელშიც განთავსებულია „ბ“ კატეგორიის ტვრითი და/ან სამშენებლო მოედანზე შეფუთვის დათვალიერებისას აღმოჩნდება, რომ შეფუთვა დარღვეულია, მიმწოდებელი სრულად იღებს პასუხისმგებლობას არსებულ დანაკლისზე და დაზიანებულ ტვრითზე (ასეთის არსებობის შემთხვევაში).

ა.ბ.გ.) საწყობის მართვა:

- რევერსიული გონდოლებიანი საბაგირო-სატრანსპორტო სისტემების მთლიანი კომპლექტაციის დასაწყობების მიზნით, შემსყიდველი თავად ან მესამე პირების მეშვეობით უზრუნველყოფს მიმწოდებლისათვის საწყობისა და სათანადო ტერიტორიის სარგებლობაში გადაცემას.

- მიმწოდებელი პასუხისმგებელია უზრუნველყოს გადაცემული საწყობისა და სათანადო ტერიტორიის ნორმალურ ექსპლოატაცია, არსებული შენობისა და ტერიტორიის მოვლა-შენახვა.

- საწყობის მართვა მიმწოდებელმა უნდა უზრუნველყოს შემსყიდველის მიერ, მიმწოდებლისთვის ტვრითის დოკუმენტაციის გადაცემის დღიდან.

- საწყობის მართვისა და გამართულად ფუნქციონირების მიზნით მიმწოდებელმა უნდა უზრუნველყოს :

- ა) სათანადო მოწყობილობების, მანქანა-მექანიზმებისა და კვალიფიციური პერსონალის მობილიზაცია;

- ბ) საწყობის ინტერნეტ კავშირით უზრუნველყოფა;

- გ) საწყობის მართვისა და აღრიცხვის პროგრამის უზრუნველყოფა, რომლის გამოყენებითაც შესაძლებელი უნდა იყოს თითოეული ტვრითის დასახელების, რაოდენობის, ტვრითის კლასიფიკაციის, ღირებულების, ტვრითის მიღებისა და საწყობიდან გატანის თარიღის, არსებული ნაშთების შესახებ ინფორმაციის დამუშავება-მიღება, სივრცული გეგმის მიხედვით ტვრითის განლაგების შესახებ ინფორმაციის დამუშავება-მიღება. პროგრამას უნდა გააჩნდეს დისტანციური წვდომის შესაძლებლობა, კერძოდ პროგრამის

გამოყენებით შემსყიდველის მიერ განსაზღვრულ უფლებამოსილ წარმომადგენლებს უნდა გააჩნდეთ შესაძლებლობა ნებისმიერ დროს მიიღონ პროგრამით დამუშავებული და აღრიცხული ნებისმიერი ინფორმაცია.

დ) დამატებით ყველა ხვა ღონისძიების გატარება, რაც აუცილებელი შეიძლება გახდეს საწყობის მართვის სრულფასოვანი ფუნქციონირებისათვის.

- საწყობის მართვასთან და ფუნქციონირებასთან დაკავშირებული ყველა ღონისძიებისა და გადასახადების გადახდას საკუთარი ხარჯებით უზრუნველყოფს მიმწოდებელი.

ბ) დასაწყობებული ტვირთისა და ტერიტორიის დაცვა:

- რევერსიული გონდოლებიანი საბაგირო-სატრანსპორტო სისტემების მთლიანი კომპლექტაციის (შემდგომში ტვირთი) მაღალი ღირებულებისა და მნიშვნელობის გათვალისწინებით მიმწოდებელმა საკუთარი ხარჯებით უნდა უზრუნველყოს საწყობისა და საწყობის ეზოში განთავსებული ტვირთის დაცვა, საქართველოს კანონმდებლობით დაცვის საქმინანობის განხორციელებაზე ლიცენზირებული პირის მეშვეობით.

- **დაცვის მომსახურება უნდა განხორციელდეს შემდეგი პირობების დაცვით:**

- დაცვის მომსახურების დაწყება მიმწოდებელმა უნდა უზრუნველყოს შემსყიდველის წარმომადგენლის მიერ შესაბამისი შეტყობინების წარდგენიდან არაუგვიანეს 5 (ხუთი) სამუშაო დღის განმავლობაში, რომელიც უნდა გაგრძელდეს საწყობში და/ან საწყობის ტერიტორიაზე ტვირთის არსებობის მთელი პერიოდის განმავლობაში.

- დაცვის მომსახურება უნდა განხორციელდეს ცოცხალი ძალის გამოყენებით, როგორც საწყობის შენობაში, ასევე საწყობის ეზოს მთელს პერიმეტრზე 24 საათის განმავლობაში.

- დაცვის მომსახურება უნდა განხორციელდეს შესაბამისი გამოცდილების მქონე კვალიფიციური დაცვის თანამშრომლების მიერ, რომლებიც სავალდებულოდ აღჭურვილი უნდა იყოს დაცვის განხორციელებისათვის საჭირო აღჭურვილობით (ხრახლულიანი ცეცხლსასროლი იარაღი, რაცია, ფანარი, ხელკეტი და სხვა).

- დაცვის განმახორციელებელი თანამშრომლებს უნდა გააჩნდეთ ხრახლულიანი ცეცხლსასროლი იარაღით ობიექტის დაცვის სათანადო უფლებამოსილება;

- აუცილებლობის შემთხვევაში დაცვის მომსახურებისას გამოყენებული უნდა იყოს ოპერატიული ჯგუფის გამოძახების შესაძლებლობა;

- დაცვის მომსახურების გაწევისას უნდა შედგეს ობიექტის დაცვითი მომსახურების გეგმა;

გ) სათანადო კვალიფიკაციის სპეციალისტების მობილიზაცია:

- მიმწოდებელმა საკუთარი ხარჯებით უნდა უზრუნველყოს სათანადო კატეგორიისა და კვალიფიკაციის სპეციალისტების მობილიზაცია და დაქირავება, რომელთა ჩართულობაც აუცილებელი იქნება ზედამხედველობის განხორციელებისათვის, საბაგირო-სატრანსპორტო სისტემების მონტაჟისა და გაშვება-გამოცდისთვის, ასევე, ნებისმიერი ღონისძიების გატარებისათვის, რაც დაკავშირებული იქნება შესყიდვის ობიექტის სრულფასოვნად მიწოდების მიზნით.

დ) ობიექტის ექსპლოატაციაში მიღებასთან დაკავშირებული ღონისძიებები:

- საბოლოო მიღება-ჩაბარების აქტის გაფორმების მიზნით მიმწოდებელმა საკუთარი ხარჯებით უნდა უზრუნველყოს ყველა აუცილებელი ღონისძიების გატარება, რაც დაკავშირებული იქნება ობიექტის ექსპლოატაციაში მიღებასთან, კერძოდ:

1. საბაგირო გზის გაშვება-გამართვა და გამოცდა კომპანია „პომაგალსკის“ ინსტრუქციების გათვალისწინებით;

2. გამოცდის პირველი ეტაპის დასრულების შემდეგ, კომპანია „პომაგალსკის“ მიერ გამოცდის შედეგების გათვალისწინებით დადებითი რეკომენდაციის გაცემის შემთხვევაში, საბაგირო გზის მუშაობა მინიმუმ 50 საათის განმავლობაში, ხოლო აღნიშნული ვადის გასვლის შემდეგ საბაგირო გზების კონტროლი და აუცილებლობის შემთხვევაში რეგულირება/გადაჭერა კომპანია „პომაგალსკის“ ინსტრუქციების გათვალისწინებით.

3. საბაგირო გზების კონტროლისა და აუცილებლობის შემთხვევაში რეგულირება/გადაჭერის შემდეგ, ხელშეკრულებით განსაზღვრული პროექტზე პასუხისმგებელი პირი წარუდგენს შემსყიდველს ინფორმაციას სამშენებლო-სამონტაჟო სამუშაოების დასრულების შესახებ, რომლის საფუძველზეც

შემსყიდველი სამშენებლო-სამონტაჟო სამუშაოებზე საბოლოო მიღება-ჩაბარების აქტის გაფორმების მიზნით აყალიბებს მიმღებ კომისიას.

4. მიმწოდებელი ვალდებულია კომისიის თანდასწრებით უზრუნველყოს საბაგირო გზის გაშვება.

წინამდებარე ტექნიკურ დავალებაზე ხელმოწერით ვადასტურებ, რომ _____-ს გაცნობილი აქვს
(პრეტენდენტის დასახელება)

ტექნიკური დავალებითა და მისი ყველა დანართით გათვალისწინებული მოთხოვნები, ასევე სატენდერო დოკუმენტაციით და მისი დანართებით გათვალისწინებული ყველა მოთხოვნა, შესაბამისად სამუშაოთა მიწოდებას ვუზრუნველყოფთ მათი განუხრელი დაცვით.

ხელმოწერა,

ბ/ა (ბექდის არსებობის შემთხვევაში)

თანხმობა შესრულებული სამუშაოების საგარანტიო ვადებისა (დეფექტების პასუხისმგებლობის პერიოდი) და ობიექტის დაზღვევის შესახებ

1. საგარანტიო ვადები დეფექტებზე (პასუხისმგებლობის პერიოდი)

ჩვენს მიერ შესრულებული სამუშაოების ხარისხის უზრუნველყოფის მიზნით მიწოდებულ სამუშაოებზე ვავრცელებთ გარანტიას საბოლოო მიღება-ჩაბარების აქტით გათვალისწინებული ობიექტის ექსპლოატაციაში მიღების თარიღიდან 365 კალენდარული დღის განმავლობაში, შესაბამისად გამოვხატავთ თანხმობას ყოველ მიწოდებული სამუშაოს ღირებულებიდან საბოლოო მიღება-ჩაბარების აქტის გაფორმებამდე დაკავებული იქნას 5%, ხოლო საბოლოო მიღება-ჩაბარების აქტის გაფორმების შემდეგ განხორციელდეს შესრულებული სამუშაოს ღირებულების 2.5% ანაზღაურება, საბოლოო მიღება-ჩაბარების აქტის გაფორმების შემდეგ არაუგვიანეს 10 კალენდარული დღის ვადაში ჩვენს მიერ წარმოდგენილი იქნება შემსყიდველთან შეთანხმებული შინაარსის საქართველოში მოქმედი საბანკო დაწესებულებიდან გაცემული გამოუთხოვადი, უპირობო ხარისხის უზრუნველყოფის საბანკო გარანტია შესრულებული სამუშაოების ღირებულების 2,5%-ის ოდენობით, რომლის მოქმედების ვადა მინიმუმ 30 კალენდარული აღემატება დეფექტების პასუხისმგებლობის პერიოდს (საბოლოო მიღება-ჩაბარების აქტით გათვალისწინებული სამუშაოთა დასრულების თარიღიდან 365 კალენდარული დღე).

2. დაზღვევა.

საკუთარი ხარჯებით (დაზღვევისთვის გათვალისწინებული ყველა ხარჯი ფრანშიზის ღირებულების ჩათვლით) შემსყიდველისა და ჩვენი კომპანიის სასარგებლოდ, საქართველოში რეგისტრირებული საფინანსო ინსტიტუტიდან წარმოდგენილი დაზღვევის პოლისის გამოყენებით ვუზრუნველყოთ ქვემოთ მითითებული ობიექტების დაზღვევას შემდეგი პირობების გათვალისწინებით:

ა) რევერსიული გონდოლებიანი საბაგირო-სატრანსპორტო სისტემების გადმოტვირთვის, საწყობში განთავსებისა და მათი სამშენებლო მოედანზე ტრანსპორტირების დროს აღნიშნული სისტემების დაზიანების/დაკარგვის/განადგურების რისკის დაზღვევა. კომპენსაციისთვის მინიმალური სადაზღვევო დასაფარი თანხა 7.740.000 (შვიდი მილიონ შვიდასორმოცი ათასი) ლარი; ფრანშიზა ყველა და ყოველი სადაზღვევო შემთხვევისთვის ყოველი ტვირთის ღირებულების 1%; დაზღვევის მოქმედების ვადა დაფარავს შემსყიდველის მიერ, მიმწოდებლისთვის რევერსიული გონდოლებიანი საბაგირო-სატრანსპორტო სისტემების შესახებ დოკუმენტაციის გადაცემიდან აღნიშნული სისტემების სამშენებლო მოედანზე ტრანსპორტირების პერიოდს. დაზღვევის პოლისის წარმოდგენის ვადა - დაზღვევის პოლისის წარმოდგენის ვადა - ხელშეკრულების გაფორმებიდან 10 სამუშაო დღე.

ბ) შესყიდვის ობიექტის (სამშენებლო-სამონტაჟო სამუშაოები; რევერსიული გონდოლებიანი საბაგირო-სატრანსპორტო სისტემების მთლიანი კომპლექტაცია; დასრულებული საბაგირო-სატრანსპორტო ობიექტი) ყველა რისკისგან (All Risk Insurance / EAR) დაზღვევა: კომპენსაციისთვის მინიმალური სადაზღვევო დასაფარი თანხა 10.424.000 (ათი მილიონ ოთხასოცდაოთხი) ლარი; ფრანშიზა ყველა და ყოველი სადაზღვევო შემთხვევისთვის ზარალის 2% მინიმუმ 20.000 (ოცი ათასი) ლარი; დაზღვევის მოქმედების ვადა დაფარავს ხელშეკრულების გაფორმების თარიღის მომდევნო სამუშაო დღიდან შესყიდვის ობიექტზე დეფექტების პასუხისმგებლობის პერიოდს (365 კალენდარული დღე საბოლოო მიღება-ჩაბარების აქტით გათვალისწინებული სამუშაოთა დასრულების თარიღიდან 365 კალენდარული დღე). დაზღვევის პოლისის წარმოდგენის ვადა - ხელშეკრულების გაფორმებიდან 10 სამუშაო დღე.

გ) მესამე პირთა საკუთრების დაზიანების ან/და განადგურების რისკის დაზღვევა, კომპენსაციისთვის მინიმალური სადაზღვევო დასაფარი თანხა 1000,000 (ერთი მილიონი) ლარი. ფრანშიზა ყველა ტიპის რისკისთვის თითო და ყოველივე ზარალზე არაუმეტეს ზარალის ღირებულების 1%. დაზღვევის მოქმედების ვადა დაფარავს ხელშეკრულების გაფორმების თარიღის მომდევნო სამუშაო დღიდან სამშენებლო-სამონტაჟო სამუშაოების დასრულების ვადას. დაზღვევის პოლისის წარმოდგენის ვადა - ხელშეკრულების გაფორმებიდან 10 სამუშაო დღე.

დ) მესამე პირთა დაზიანების ან სიკვდილის შემთხვევის რისკის დაზღვევა: კომპენსაციისთვის მინიმალური

სადაზღვევო დასაფარი თანხა 100,000 (ასი ათასი) ლარი (მინიმუმ 20.000 (ოცი ათასი) ლარს/კაცზე . დაზღვევის მოქმედების ვადა დაფარავს ხელშეკრულების გაფორმების თარიღის მომდევნო სამუშაო დღიდან სამშენებლო-სამონტაჟო სამუშაოების დასრულების ვადას. დაზღვევის პოლისის წარმოდგენის ვადა - ხელშეკრულების გაფორმებიდან 10 სამუშაო დღე.

ხელმოწერა,

ბ/ა (ბეჭდის არსებობის შემთხვევაში)

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად ტენდერში გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულება სახელმწიფო შესყიდვის შესახებ N

ერთის მხრივ, სსიპ საქართველოს მუნიციპალური განვითარების ფონდი (შემდგომში „შემსყიდველი“), წარმოდგენილი მისი ----- სახით და მეორეს მხრივ ----- (შემდგომში „მიმწოდებელი“) წარმოდგენილი მისი -----, სახით თანხმდებიან შემდეგზე:

1. ხელშეკრულების საგანი და ღირებულება

1.1. შემსყიდველმა გამოაცხადა ჭიათურის მუნიციპალიტეტში ახალი რევერსიული გონდოლებიანი საბაგირო-სატრანსპორტო სისტემების სამონტაჟო და შესაბამისი ინფრასტრუქტურული ობიექტების (მუხადის საბაგირო ხაზი) სამშენებლო სამუშაოების (შემდგომში სამუშაო CPV45234210) შესყიდვის მიზნით ელექტრონული ტენდერი (SPA -) და ტენდერის შედეგად მიმწოდებელმა აიღო ვალდებულება მიაწოდოს შემსყიდველს ზემოაღნიშნული სამუშაო.

1.2. მთლიანი სახელშეკრულებო ღირებულება სამუშაოს მიწოდებასთან დაკავშირებული ყველა ხარჯისა და მიმწოდებლისთვის საქართველოს კანონმდებლობით გათვალისწინებული ყველა გადასახადის გათვალისწინებით შეადგენს ----- ლარს.

2. წინამდებარე ხელშეკრულების შემადგენელი ნაწილები:

2.1. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:

- ა) წინამდებარე ხელშეკრულება
- ბ) ხელშეკრულების ზოგადი პირობები;
- გ) ხელშეკრულების სპეციფიკური პირობები;
- დ) დანართი N1 (ხარჯთაღრიცხვა)
- ე) დანართი N2 (ტექნიკური დავალება და ტექნიკური დავალების დანართები);
- ვ) დანართი N3 (კალენდარული გრაფიკი);
- ზ) ხელშეკრულების შესრულების უზრუნველყოფის გარანტია (ასეთის გამოყენების შემთხვევაში).

თ) მიმწოდებლის მიერ ტენდერის მოთხოვნის შესაბამისად წარმოდგენილი დოკუმენტები. ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს. ხელმოწერილია და დამოწმებულია შემსყიდველის მიერ:

ხელმოწერილია და დამოწმებულია მიმწოდებლის მიერ:

ხელშეკრულების ზოგადი პირობები

1. ხელშეკრულების ტერმინები

- 1.1 „ხელშეკრულების სპეციფიკური პირობები“ არის ხელშეკრულების დანართი, რომელიც აზუსტებს ამ ხელშეკრულების ზოგად პირობებს და წარმოადგენს მის განუყოფელ ნაწილს.
- 1.2 „ტექნიკური დავალება“ არის მისაწოდებელი სამუშაოს დეტალური განფასებული ჩამონათვალი (ხარჯთაღრიცხვა), ტექნიკური დავალების დანართები, ტექნიკური პირობები, ნახაზები და სპეციფიკაციები, რომლებიც მოცემულია ხელშეკრულების დანართებში. ჩამოთვლილი დოკუმენტაცია წარმოადგენს წინამდებარე ხელშეკრულების განუყოფელ ნაწილს.
- 1.3 „ხელშეკრულების ფასი“ ნიშნავს საერთო თანხას, რომელზეც მხარეთა შორის გაფორმდა ხელშეკრულება
- 1.4 „დღე“, „კვირა“, „თვე“ ნიშნავს კალენდარულ დღეს, კვირას, თვეს თუ ხელშეკრულებით სხვა რამ არ არის გათვალისწინებული;
- 1.5 „პროექტი“ არის იმ მიზნებისა და ამოცანების ერთობლიობა, რომლებზეც ორიენტირებულია ეს ხელშეკრულება.
- 1.6. "შსა" - "შესრულებული სამუშაოების ანგარიში"
- 1.7. „ხარვეზი“ არის „მიმწოდებლის“ საქმიანობის შეუსაბამობა ამ ხელშეკრულების პირობებთან.
- 1.8. „სამშენებლო მოედანი“ არის მშენებლობის განხორციელების დოკუმენტებით განსაზღვრული ტერიტორია, რომელიც აუცილებელია სამშენებლო სამუშაოების განხორციელებისა და მომსახურებისათვის. ხელშეკრულების ფარგლებში შესაძლებელია არსებობდეს რამდენიმე სამუშაო მოედანი. ასეთ შემთხვევაში, ხელშეკრულების შესრულების კონტროლი შეიძლება განხორციელდეს ინდივიდუალურად, თითოეულ მოედანთან მიმართებაში.
- 1.9. დამოწმების უწყისი (გადახდის სერთიფიკატი) არის შსა-ს ან მიღება-ჩაბარების აქტისა და მიმწოდებლის მიერ წარმოდგენილი ელექტრონული საგადასახადო ანგარიშ-ფაქტურის საფუძველზე შემსყიდველის მიერ დამოწმებული დოკუმენტი.
- 1.10. „დეფექტი“ („ნაკლი“, „წუნი“) არის ნივთობრივად და უფლებრივად ნაკლოვანი ნივთი/შესრულება საქართველოს კანონმდებლობის შესაბამისად.

2. ხელშეკრულების ვადები

2.1 სამუშაოს შესრულების ვადები

2.1.1 სამუშაოს მიწოდების საერთო ვადა განისაზღვრება ხელშეკრულების სპეციფიკური პირობებით.

2.1.2. ამ ხელშეკრულების მე-12 მუხლით გათვალისწინებული მიზეზების არსებობისას, თავიანთი კომენტაციის ფარგლებში 8.2.1. და 8.2.2. პუნქტით განსაზღვრული ზედამხედველის

შუამდგომლობის საფუძველზე და 8.3 პუნქტით განსაზღვრული პასუხისმგებელი პირის მხრიდან თანხმობის შემთხვევაში, შესაძლებელია განხორციელდეს სამუშაოს მიწოდების საერთო ვადის ცვლილება.

2.1.3. სამუშაოთა შესრულების ხაზობრივი/ფინანსური გრაფიკი (შემდგომში კალენდარული გრაფიკი) მოცემულია კალენდარულ გრაფიკში(დანართი N3).

2.1.4 წინამდებარე ხელშეკრულების 2.1.3. პუნქტით გათვალისწინებული კალენდარული გრაფიკის ცვლილების შემთხვევაში განახლებული კალენდარული გრაფიკში ნაჩვენებია უნდა იყოს თითოეული სამუშაოს ფაქტიური პროგრესი და ის ზეგავლენა, რომელსაც ის იქონიებს დარჩენილი სამუშაოების ვადებზე და ღონისძიებების თანამიმდევრობაზე, კალენდარული გრაფიკის ცვლილება შესაძლებელია განხორციელდეს წინამდებარე ხელშეკრულების 8.2.1. და 8.3. პუნქტით განსაზღვრული პირების თანხმობით.

2.4.5. იმ შემთხვევაში თუ, არ განხორციელდა სამუშაოთა მიწოდების საერთო ვადის ცვლილება, კალენდარულ გრაფიკში ცვლილების განხორციელება არ საჭიროებს დამატებით შეთანხმების აქტის გაფორმებას.

2.2 ხელშეკრულების მოქმედების ვადა განისაზღვრება ხელშეკრულების სპეციფიკური პირობებით.

3. დეფექტებზე პასუხისმგებლობის პერიოდი

დეფექტებზე პასუხისმგებლობის პერიოდი შეადგენს 365 დღეს საბოლოო მიღება-ჩაბარების აქტით გათვალისწინებული სამუშაოთა დასრულების თარიღიდან.

4. ხელშეკრულების შესრულების უზრუნველყოფა

4.1. იმისათვის, რომ თავიდან იქნეს აცილებული რისკი, წარმოქმნილი “მიმწოდებლის” მიერ სახელმწიფო შესყიდვების შესახებ ხელშეკრულების შეუსრულებლობის გამო, “მიმწოდებლის” მიერ საქართველოში მოქმედი საბანკო დაწესებულებიდან წარმოდგენილია ხელშეკრულების შესრულების უზრუნველყოფის გარანტია, რომლის პირობებიც განსაზღვრულია სპეციფიკური პირობებით, ხოლო შინაარსი შეთანხმებულია შემსყიდველთან (იხ. სატენდერო დოკუმენტაციის დანართი N5)

4.2 ამ ხელშეკრულების 2.1.2. პუნქტით გათვალისწინებული გარემოებების დადგომისას, „მიმწოდებელი“ ვალდებულია წარმოადგინოს გაგრძელებული ვადის ან/და ხელშეკრულების შესრულების უზრუნველყოფის საქართველოში მოქმედი საბანკო დაწესებულების მიერ გაცემული ახალი საბანკო გარანტია, რომლის მოქმედების ვადა მინიმუმ 60 კალენდარული დღით უნდა აღემატებოდეს გაგრძელებულ ვადას.

4.3 საბანკო გარანტია მიმწოდებელს დაუბრუნდება ხელშეკრულებით ნაკისრი ვალდებულებების სრულად შესრულებისას.

5. დაზღვევა

5.1 „მიმწოდებელი“ ვალდებულია შემსყიდველისა და მიმწოდებლის სასარგებლოდ საკუთარი ხარჯებით (დაზღვევისთვის გათვალისწინებული ყველა ხარჯი ფრანშიზის ღირებულების ჩათვლით) უზრუნველყოს ქვემოთ მითითებული ობიექტების დაზღვევა, შემდეგი პირობების გათვალისწინებით:

5.1.1. რევერსიული გონდოლებიანი საბაგირო-სატრანსპორტო სისტემების გადმოტვირთვის, საწყობში განთავსებისა და მათი სამშენებლო მოედანზე ტრანსპორტირების დროს აღნიშნული სისტემების დაზიანების/დაკარგვის/განადგურების რისკის დაზღვევა. კომპენსაციისთვის მინიმალური სადაზღვევო დასაფარი თანხა 7.740.000 (შვიდი მილიონ შვიდასორმოცი ათასი) ლარი; ფრანშიზა ყველა და ყოველი სადაზღვევო შემთხვევისთვის ყოველი ტვირთის ღირებულების 1%; დაზღვევის მოქმედების ვადა უნდა შემსყიდველის მიერ, მიმწოდებლისთვის რევერსიული გონდოლებიანი საბაგირო-სატრანსპორტო სისტემების შესახებ დოკუმენტაციის გადაცემიდან აღნიშნული სისტემების სამშენებლო მოედანზე ტრანსპორტირების პერიოდს.

5.1.2. შესყიდვის ობიექტის (სამშენებლო-სამონტაჟო სამუშაოები; რევერსიული გონდოლებიანი საბაგირო-სატრანსპორტო სისტემების მთლიანი კომპლექტაცია; დასრულებული საბაგირო-სატრანსპორტო ობიექტი) ყველა რისკისგან (All Risk Insurance / EAR) დაზღვევა: კომპენსაციისთვის მინიმალური სადაზღვევო დასაფარი თანხა 10.424.000 (ათი მილიონ ოთხასოცდაოთხი) ლარი; ფრანშიზა ყველა და ყოველი სადაზღვევო შემთხვევისთვის ზარალის 2% მინიმუმ 20.000 (ოცი ათასი) ლარი. დაზღვევის მოქმედების ვადა დაფარავს ხელშეკრულების გაფორმების თარიღის მომდევნო სამუშაო დღიდან შესყიდვის ობიექტზე დეფექტების პასუხისმგებლობის პერიოდს (365 კალენდარული დღე საბოლოო მიღება-ჩაბარების აქტით გათვალისწინებული სამუშაოთა დასრულების თარიღიდან 365 კალენდარული დღე);

5.1.3 მესამე პირთა საკუთრების დაზიანების ან/და განადგურების რისკის დაზღვევა, კომპენსაციისთვის მინიმალური სადაზღვევო დასაფარი თანხა 1000,000 (ერთი მილიონი) ლარი. ფრანშიზა ყველა ტიპის რისკისთვის თითო და ყოველივე ზარალზე არაუმეტეს ზარალის ღირებულების 1%. დაზღვევის მოქმედების ვადა დაფარავს ხელშეკრულების გაფორმების თარიღის მომდევნო სამუშაო დღიდან სამშენებლო-სამონტაჟო სამუშაოების დასრულების ვადას;

5.1.4 მესამე პირთა დაშავების ან სიკვდილის შემთხვევის რისკის დაზღვევა: კომპენსაციისთვის მინიმალური სადაზღვევო დასაფარი თანხა 100,000 (ასი ათასი) ლარი (მინიმუმ 20.000 (ოცი ათასი) ლარს/კაცზე . დაზღვევის მოქმედების ვადა დაფარავს ხელშეკრულების გაფორმების თარიღის მომდევნო სამუშაო დღიდან სამშენებლო-სამონტაჟო სამუშაოების დასრულების ვადას

5.2 მიმწოდებელი ვალდებულია ხელშეკრულების გაფორმებიდან არაუგვიანეს 10 სამუშაო დღის განმავლობაში წარმოადგინოს საქართველოში რეგისტრირებული შესაბამისი საფინანსო ინსტიტუტების მიერ გაცემული სადაზღვევო პოლისი, რომელითაც დადასტურდება ხელშეკრულების 5.1. პუნქტით გათვალისწინებული ობიექტის დაზღვევა.

6. ხელშეკრულების ფასი და ანგარიშსწორება

6.1 ხელშეკრულების ფასი განისაზღვრება ხელშეკრულების სპეციფიკური პირობებით.

6.2. ანგარიშსწორება მიმწოდებელთან განხორციელდება ლარში, მიმწოდებლის საბანკო რეკვიზიტებზე, უნაღდო ანგარიშსწორების ფორმით წინამდებარე ხელშეკრულების პირობების

შესაბამისად დადასტურებული შსა-სა და მიმწოდებლის მიერ წარმოდგენილი ელექტრონული საგადასახადო ანგარიშ-ფაქტურის საფუძველზე, შემსყიდველის მიერ გადახდის უწყისის დამოწმებიდან არაუგვიანეს 28 დღის განმავლობაში.

6.3. შესაძლებელია საავანსო ანგარიშსწორება საქართველოში მოქმედი ბანკის მიერ გაცემული შემსყიდველთან შეთანხმებული შინაარსის უპირობო, გამოუთხოვადი წინასწარი ანგარიშსწორების (საავანსო) საბანკო გარანტიის წარმოდგენის საფუძველზე, რომლის მოქმედების ვადა მინიმუმ 60 კალენდარული დღით უნდა აღემატებოდეს სამუშაოთა მიწოდების საბოლოო ვადას.

6.4. ავანსის მოცულობას და პერიოდულობას განსაზღვრავს „შემსყიდველი“ „მიმწოდებლის“ მიერ წარმოდგენილი არგუმენტირებული მოთხოვნის საფუძველზე.

6.5. მიმწოდებლის მიერ საავანსო გადახდის მოთხოვნის შემთხვევაში ავანსის მოცულობისა და პერიოდულობის განსაზღვრის მიზნით შემსყიდველი უფლებამოსილია დამატებით მოთხოვოს მიმწოდებელს შესაბამისი დაწესებულების მიერ დამოწმებული ინფორმაცია.

6.6. სახელმწიფო შესყიდვების სააგენტოს თავმჯდომარის 2016 წლის 26 თებერვლის №2 ბრძანებით დამტკიცებული წესის მე-10 მუხლის პირველი პუნქტის „გ“ ქვეპუნქტის მოთხოვნათა თანახმად მიმწოდებელი, როგორც თეთრ სიაში რეგისტრირებული პირი, წარმოადგენს წინასწარი ანგარიშსწორების (საავანსო გადახდა) საბანკო გარანტიას საავანსო თანხის 50%-ის ოდენობით.

6.7. წინასწარი ანგარიშსწორება მიმწოდებელთან განხორციელდება მის მიერ შესაბამის თანხაზე საქართველოში მოქმედი ბანკის მიერ გაცემული წინასწარი ანგარიშსწორების (საავანსო) საბანკო გარანტიის წარმოდგენიდან არაუგვიანეს 10 სამუშაო დღის განმავლობაში.

6.8. წინასწარ ავანსის სახით გადარიცხული თანხის დაქვითვა განხორციელდება წინამდებარე ხელშეკრულების პირობების შესაბამისად დადასტურებული შსა-სა და მიმწოდებლის მიერ წარმოდგენილი ელექტრონული საგადასახადო ანგარიშ-ფაქტურის საფუძველზე, შემსყიდველის მიერ გადახდის უწყისის დამოწმებიდან 28 დღის განმავლობაში.

6.9. ხელშეკრულების 6.6. პუნქტში აღნიშნული შემთხვევისას თავდაპირველად განხორციელდება არაუზრუნველყოფილი საავანსო თანხის დაქვითვა სრულად, არაუზრუნველყოფილი საავანსო თანხის სრულად დაქვითვის შემდეგ წინასწარი ანგარიშსწორების (საავანსო) საბანკო გარანტიით უზრუნველყოფილი თანხიდან პარალელურად განხორციელდება არაუზრუნველყოფილი ავანსიდან დაქვითული თანხის პროპორციული ღირებულების დასაქვითი თანხის 5% დაკავება.

6.10. ყოველი მიწოდებული სამუშაოს ღირებულებიდან განხორციელდება საავანსო თანხის დაქვითვა შემსყიდველის მიერ ყოველ ეტაპზე განსაზღვრული პროპორციით.

6.11. ყოველი მიწოდებული სამუშაოს ღირებულებიდან განხორციელდება შესრულებული სამუშაოს ღირებულების 5%-ის დაკავება სამუშაოს ხარისხის დაცვის უზრუნველსაყოფად. დაკავებული 5%-დან 2.5%-ის დაბრუნება განხორციელდება შემსყიდველის მიერ შექმნილი სამუშაოთა მიმღები კომისიის მიერ შედგენილი საბოლოო მიღება-ჩაბარების აქტის გაფორმებისა და ობიექტის ექსპლოატაციაში მიღების შემდეგ. შესრულებული სამუშაოს ღირებულებიდან დაკავებული თანხის დარჩენილი 2.5%-ის დაქვითვა განხორციელდება დეფექტების პასუხისმგებლობის პერიოდის (საბოლოო მიღება-ჩაბარების აქტით გათვალისწინებული სამუშაოთა დასრულების თარიღიდან 365 კალენდარული დღე) დასრულებისა და დეფექტების პასუხისმგებლობის პერიოდში დეფექტების არარსებობის შესახებ სპეციალური კომისიის მიერ შედგენილი აქტის საფუძველზე.

6.12. მიწოდებული სამუშაოს ხარისხის დაცვის უზრუნველსაყოფად სამუშაოს ღირებულების 2.5%-ის ანგარიშსწორების მიზნით შემსყიდველის მიერ შექმნილი სამუშაოთა მიმღები კომისიის მიერ შედგენილი საბოლოო მიღება-ჩაბარების აქტის გაფორმებიდან არაუგვიანეს 10 კალენდარული დღის ვადაში მიმწოდებელი ვალდებულია წარუდგინოს შემსყიდველს, მასთან შეთანხმებული შინაარსის საქართველოში მოქმედი საბანკო დაწესებულებიდან გაცემული გამოუთხოვადი, უპირობო ხარისხის უზრუნველყოფის საბანკო გარანტია, რომლის მოქმედების ვადა მინიმუმ 30 კალენდარული დღით უნდა აღემატებოდეს დეფექტების პასუხისმგებლობის (საბოლოო მიღება-ჩაბარების აქტით გათვალისწინებული სამუშაოთა დასრულების თარიღიდან 365 კალენდარული დღე) პერიოდს.

6.13. იმ შემთხვევაში თუ შემსყიდველისთვის ცნობილი გახდა ან შემსყიდველს გაუჩნდა საფუძვლიანი ეჭვი იმ გარემოების შესახებ, რომ მიმწოდებელი ვერ უზრუნველყოფს წინამდებარე ხელშეკრულების 6.12. პუნქტის თანახმად შესრულებული სამუშაოების ღირებულების 2.5 %-ის ოდენობის ხარისხის უზრუნველყოფის საბანკო გარანტიის წარმოდგენას, შემსყიდველი უფლებამოსილია უარი განაცხადოს დაკავებული თანხის ანგარიშსწორებაზე, ხოლო შემსყიდველის მხრიდან ასეთი გადაწყვეტილების შემთხვევაში მიმწოდებელი უპირობოდ კარგავს უფლებას დაკავებული თანხის (2.5%) მიღებაზე.

6.14. იმ შემთხვევაში თუ სხვადასხვა მიზეზის გამო მიმწოდებელი ორგანიზაცია ვერ უზრუნველყოფს ან უარს აცხადებს დეფექტების პასუხისმგებლობის პერიოდში დაფიქსირებული ნაკლოვანებების აღმოფხვრაზე, შემსყიდველი (დამოუკიდებელი ექსპერტის მეშვეობით) შეაფასებს ობიექტზე წარმოქმნილი დეფექტების აღმოფხვრის ხარჯს და მიმართავს ხარისხის უზრუნველყოფის საბანკო გარანტიის გამცემ ორგანოს შესაბამისი თანხის გამოთხოვის თაობაზე და/ან დაკავებულ თანხას მიმართავს ხარვეზის აღმოსაფხვრელად. თუ დეფექტების აღმოსაფხვრელად საჭირო თანხა აღემატება წინამდებარე ხელშეკრულების შესრულებული სამუშაოების ღირებულების 2.5 %-ის ოდენობას პუნქტით გათვალისწინებულ თანხას, ასეთ შემთხვევაში შემსყიდველი მოქმედი კანონმდებლობის შესაბამისად დააკისრებს მიმწოდებელს დარჩენილ განსხვავებას.

6.15. იმ შემთხვევაში თუ, ხელშეკრულება წინამდებარე ხელშეკრულებით გათვალისწინებული პირობების შესაბამისად შეწყდა ვადაზე ადრე და/ან მიმწოდებელი ხელშეკრულებით გათვალისწინებულ ვადაში ვერ უზრუნველყოფს სამუშაოს შესრულებას და მხარეები ვერ შეთანხმდებიან ამ ვადის გაგრძელებაზე, მიმწოდებელი ვალდებულია შესაბამისი შეტყობინების გაგზავნიდან არაუგვიანეს 5 (ხუთი) სამუშაო დღის ვადაში დააბრუნოს წინასწარ ავანსის სახით გადარიცხული თანხიდან შეუსრულებელი ვალდებულების პროპორციული ღირებულების შესაბამისი თანხა, წინააღმდეგ შემთხვევაში შემსყიდველი უფლებამოსილია გარანტიის მოქმედების პერიოდში მიმართოს გარანტიის გამცემ ორგანოს (გარანტს), ავანსის სახით გადარიცხული თანხის ფარგლებში მიმწოდებლის მხრიდან შეუსრულებელი სამუშაოს ღირებულების პროპორციულად გათვალისწინებული თანხის დაბრუნებაზე, ასევე მიმწოდებელი ვალდებულია შემსყიდველის მიერ პირველივე მოთხოვნის წაყენებიდან არაუგვიანეს 10 კალენდარული დღის განმავლობაში დააბრუნოს არაუზრუნველყოფილი საავანსო თანხა (ასეთის არსებობის შემთხვევაში). ხელშეკრულების ვადაზე ადრე შეწყვეტის შემთხვევაში მიმწოდებლის მიერ შესარულებელი ვალდებულებების მოქმედების ვადა გრძელდება ვალდებულების სრულ შესრულებამდე.

6.16. მიმწოდებელი ვალდებულია ავანსის სახით მიღებული თანხა გამოიყენოს მხოლოდ წინამდებარე ხელშეკრულებით ნაკისრი ვალდებულებების შესრულებისთვის, აუცილებლობის

შემთხვევაში შემსყიდველი უფლებამოსილია მოთხოვოს მიმწოდებელს დასაბუთებული ინფორმაციის/დოკუმენტაციის წარმოდგენა ავანსის სახით გადარიცხული თანხის ხარჯვის შესახებ;

6.17. ხარჯთაღრიცხვაში ასახული გაუთვალისწინებელი სამუშაოების ხარჯების ანაზღაურება განხორციელდება მხოლოდ ასეთი ხარჯების არსებობის შემთხვევაში. გაუთვალისწინებელი ხარჯების არსებობისას მიმწოდებელმა უნდა უზრუნველყოს ასეთი ხარჯების დეტალური გაშიფვრა და დასაბუთება, რომლის საფუძველზეც განხორციელდება ხელშეკრულების 8.2 პუნქტით განსაზღვრული პირის მიერ შსა-ს დადასტურება. გაუთვალისწინებელი სამუშაოების გაწევის უფლება მიმწოდებელს ეძლევა შესყიდველის ან მის მიერ უფლებამოსილი პირის თანხმობის შემთხვევაში.

7 ხელშეკრულებით გათვალისწინებული სხვა მხარეები

7.1 ქვეკონტრაქტორ(ებ)ი

7.1.1 ხელშეკრულების მიმდინარეობის ნებისმიერ ეტაპზე „მიმწოდებელი“ უფლებამოსილია უზრუნველყოს სამუშაოს წარმოება ქვეკონტრაქტორ(ებ)ის მონაწილეობით.

7.1.2 ქვეკონტრაქტორ(ებ)ის მეშვეობით სამუშაოთა წარმების უფლების მიღება „მიმწოდებელს“ გააჩნია მხოლოდ შემსყიდველთან შეთანხმების საფუძველზე, აღნიშნული უფლების მისაღებად „მიმწოდებელმა“ უნდა წარმოადგინოს ქვეკონტრაქტორ(ებ)თან გაფორმებული ხელშეკრულება ქვეკონტრაქტით შესასრულებელი სამუშაოების შესახებ ინფორმაციის მითითებით.

7.1.3 ქვეკონტრაქტ(ებ)ით შესასრულებელი სამუშაოების (ასეთის არსებობის შემთხვევაში) წილის ლიმიტი, ხელშეკრულების ფასთან მიმართებაში განისაზღვრება ხელშეკრულების სპეციფიკური პირობებით.

7.1.4 შემსყიდველი უფლებამოსილია არ შეითანხმოს მიმწოდებლის მიერ წარდგენილი ქვეკონტრაქტორის და/ან უარი განაცხადოს ქვეკონტრაქტორ(ებ)ის სამუშაოს შესრულების პროცესში ჩართვასთან დაკავშირებით, ასევე ქვეკონტრაქტორის ჩართვასთან დაკავშირებით მისცეს მიმწოდებელს დამატებითი რეკომენდაციები.

7.1.5 ქვეკონტრაქტორ(ებ)ის მიერ ნაკისრი ვალდებულებების შეუსრულებლობით ან არაჯეროვანი შესრულებით დამდგარ შედეგზე „შემსყიდველის“ წინაშე პასუხისმგებელია მხოლოდ „მიმწოდებელი“.

7.1.6 ქვეკონტრაქტორ(ებ)ის მიერ შესრულებული სამუშაოს მიწოდებას და შესაბამისად სამუშაოს ჩაბარებას უზრუნველყოფს „მიმწოდებელი“.

7.1.7 ქვეკონტრაქტორ(ებ)ის მიერ შესრულებული სამუშაოს ღირებულების ანგარიშსწორება განხორციელდება „მიმწოდებელთან“ წინამდებარე ხელშეკრულებით გათვალისწინებული პირობების შესაბამისად.

7.2 უფლებების გადაცემა

7.2.1 „მიმწოდებელმა“ „შემსყიდველის“ წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს სხვა პირებს მოცემული ხელშეკრულებით არსებული თავისი ვალდებულებები.

7.2.2 მიმწოდებლის მხრიდან ხელშეკრულების პირობების დარღვევის შემთხვევაში, „შემსყიდველი“ უფლებამოსილია სამუშაოს ის ნაწილი, რომელზეც განპიროვნებული იყო ქვეკონტრაქტორი, განაცალკევოს ამ ხელშეკრულებისაგან და გადასცეს შესასრულებლად ქვეკონტრაქტორს.

7.3 ბენეფიციარები

7.3.1 „შემსყიდველი“, საქართველოს კანონმდებლობაზე დაყრდნობით, ასრულებს ამ ხელშეკრულებით გათვალისწინებულ პროექტს ბენეფიციარის სასარგებლოდ.

7.3.2 ბენეფიციარი, რომელიც მიეთითება ხელშეკრულების სპეციფიკურ პირობებში, იღებს ვალდებულებას, ხელი შეუწყოს პროექტის განხორციელებას.

7.3.3 პროექტის ხელშეწყობის მიზნით, ბენეფიციარი გამოყოფს უფლებამოსილ წარმომადგენელს, რაც აისახება ხელშეკრულების სპეციფიკურ პირობებში.

7.3.4 იმ აქტივობებისათვის, რომლებიც ემსახურება საკუთრების შეკეთებას ან რეაბილიტაციას, ბენეფიციარი გამოხატავს თანხმობას სამუშაოების წარმოებაზე.

7.3.5 იმ აქტივობებისათვის, რომლებიც ემსახურება ახალი ობიექტების შექმნას, ბენეფიციარი გამოხატავს თანხმობას სამუშაოს წარმოებაზე და იღებს ვალდებულებას, გადაიბაროს და ექსპლუატაცია გაუწიოს ამ ობიექტებს.

8 ხელშეკრულების შესრულების კონტროლი

8.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს, რომელიც მოიცავს სამშენებლო-სადემონტაჟო სამუშაოების, საბაგირო გზის სამონტაჟო სამუშაოებისა და მისი გაშვება-გამართვისა და გამოცდის ღონისძიებების ზედამხედველობას და პროექტის ზედამხედველობას.

8.2 სამუშაოების ზედამხედველობის განხორციელების მიზნით, შემსყიდველი ნიშნავს პროექტის ზედამხედველს:

8.2.1. სამშენებლო და სადემონტაჟო სამუშაოებზე ზედამხედველი განისაზღვრება ხელშეკრულების სპეციფიკურ პირობებში.

8.2.2. საბაგირო გზის სამონტაჟო სამუშაოებზე, საბაგირო გზების გაშვება-გამართვისა და გამოცდის ღონისძიებებზე ტექნიკურ ზედამხედველობას 8.2.1. პუნქტით გათვალისწინებულ ზედამხედველთან ერთად ახორციელებს კომპანია „პომეგალსკი“.

8.3 პროექტის საერთო კონტროლისა და კოორდინაციის განხორციელების მიზნით, შემსყიდველი ნიშნავს პროექტზე პასუხისმგებელ პირს, რაც აისახება ხელშეკრულების სპეციფიკურ პირობებში.

8.4. ხელშეკრულების მიმდინარეობის კონტროლის მიზანს წარმოადგენს:

8.4.1 სამუშაოს მიწოდების ვადების ხელშეკრულების მოთხოვნებთან შესაბამისობის დადგენა;

8.4.2. მიმწოდებლის მიერ ნაკისრი ვალდებულებების წინამდებარე ხელშეკრულებით გათვალისწინებულ პირობებთან და ხელშეკრულების დანართებთან (ხარჯთაღრიცხვა, კალენდარული გრაფიკი, ტექნიკური დავალება და ტექნიკური დავალებით გათვალისწინებული ტექნიკური დავალების დანართები) შესაბამისობის დადგენა, შესაბამისი ინსპექტირების

დასკვნის შედგენა (აუცილებლობის შემთხვევაში), ფარული სამუშაოების კონტროლი (ასეთის არსებობის შემთხვევაში), მიწოდებული სამუშაოების წინამდებარე ხელშეკრულების დანართთან (ხარჯთაღრიცხვა) ურთიერთშედარება და მათ საფუძველზე მიმწოდებლის მიერ შესრულებულ სამუშაოების ან მისი ნაწილის მოცულობისა და ღირებულების დადგენა, შსა-ს დამოწმება და ანგარიშსწორების პროცესის რეგულირება.

8.4.3 წინამდებარე ხელშეკრულებით, ტექნიკური დავალებით და მისი დანართებით გათვალისწინებული ღონისძიებებისა და საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

8.4.4 „მიმწოდებლის“ მატერიალურ-ტექნიკური ბაზისა და პროფესიული კომპეტენციის შესაბამისობის დადგენა განსახორციელებელ სამუშაოებთან მიმართებაში.

8.5 „მიმწოდებელი“ ვალდებულია საკუთარი რესურსებით უზრუნველყოს „შემსყიდველი“ კონტროლისა და ტესტირების პროცედურებისთვის აუცილებელი პერსონალით, ტექნიკური საშუალებებით და სხვა სამუშაო პირობებით.

8.6. „მიმწოდებელი“ ვალდებულია საკუთარი ხარჯებით უზრუნველყოს კონტროლის პროცედურების შედეგად გამოვლენილი ყველა დეფექტის აღმოფხვრა.

9. ხელშეკრულების საგნის მიღება-ჩაბარება

9.1 სამუშაოს ეტაპების მიღება-ჩაბარება ხორციელდება შსა-ს საფუძველზე მიმწოდებლის მიერ ფაქტიურად შესრულებული სამუშაოს ან მისი ნაწილის მოცულობის შესაბამისად.

9.2 შსა-ს დადასტურების მიზნით მიმწოდებელი ვალდებულია შემსყიდველს წარუდგინოს მიწოდებული სამუშაოების მოცულობები და ღირებულება ელექტრონულ ვერსიასთან ერთად.

9.3 ხელშეკრულების 8.2.1. და 8.2.2. პუნქტით განსაზღვრული პირები თავიანთი კომპეტენციის ფარგლებში, ახორციელებენ შესრულებული სამუშაოს შემოწმებას, განიხილავენ მიმწოდებლის მიერ წარმოდგენილ შსა-ს, აუცილებლობის შემთხვევაში ადგენენ შესრულებული სამუშაოს ან მისი ნაწილის ინსპექტირების აქტს, ამოწმებენ კალენდარული გრაფიკის მიხედვით სამუშაოთა მიმდინარეობას, ამოწმებენ ფარულ სამუშაოებს ასეთის არსებობისას.

9.4 იმ შემთხვევაში, თუ შესრულებული სამუშაო ან მისი ნაწილი შეესაბამება ხელშეკრულების მოთხოვნებს, ხელშეკრულების 8.2.1. პუნქტით განსაზღვრული პირი ამოწმებს შსა-ს და ახორციელებს შესრულებული სამუშაოს ან მისი ნაწილის მიღებას, ხოლო თუ გამოვლინდება, რომ შესრულებული სამუშაო არ აკმაყოფილებს ხელშეკრულების მოთხოვნებს, შემსყიდველს უფლება აქვს არ მიიღოს სამუშაო ან მისი ნაწილი.

9.5 სამუშაოთა საბოლოო მიღება.

9.5.1 მიწოდებული სამუშაოს საბოლოო მიღება ხორციელდება კომისიური წესით, რომლის ფორმირების წესს და წევრებს განსაზღვრავს შემსყიდველი.

9.5.2. ხელშეკრულების 8.2.1. და 8.2.2. პუნქტებით გათვალისწინებული ზედამხედველი პირების დამოწმებული საბაგირო გზების პირველი ეტაპის გამოცდის შედეგების დადებითი რეკომენდაციისა და საბაგირო გზების უსაფრთხოების ანალიზის საფუძველზე და მიმწოდებლის

მიერ საბაგირო გზების დამატებითი კონტროლის განხორციელებისა და აუცილებლობის შემთხვევაში მისი რეგულირება/გადაჭერის დასრულების შემდეგ, ხელშეკრულების 8.3. პუნქტით განსაზღვრული პროექტზე პასუხისმგებელი პირი მიმართავს, შემსყიდველს სამუშაოს დასრულების შესახებ, რომელშიც მითითებული უნდა იყოს საბაგირო გზების დამატებითი კონტროლის განხორციელებისა და აუცილებლობის შემთხვევაში მისი რეგულირება/გადაჭერის დასრულების თარიღი.

9.5.3 ხელშეკრულების 9.5.2. პუნქტით გათვალისწინებული შეტყობინებიდან არაუგვიანეს 30 კალენდარული დღის ვადაში მიმღები კომისია უზრუნველყოფს მიწოდებული სამუშაოს საბოლოო მიღებას, ობიექტური მიზეზების არსებობის შემთხვევაში წინამდებარე პუნქტით გათვალისწინებული ვადა შეიძლება გაგრძელდეს შემსყიდველის გადაწყვეტილების საფუძველზე.

9.5.4. სამუშაოების საბოლოო მიღების მიზნით მიმწოდებელი ვალდებულია კომისიის თანდასწრებით უზრუნველყოს საბაგირო გზების გაშვება, ასევე გამოყოს თავისი წარმომადგენელი, რომელიც მონაწილეობას მიიღებს კომისიის საქმიანობაში.

9.6. იმ შემთხვევაში თუ, მიმღები კომისიის მიერ დადასტურდა, რომ შესრულებული სამუშაოები შეესაბამება ხელშეკრულებით გათვალისწინებულ მოთხოვნებს, მიმღები კომისია უზრუნველყოფს საბოლოო მიღება-ჩაბარების აქტის გაფორმებას. სამუშაოს დასრულების თარიღად ჩაითვლება ხელშეკრულების 9.5.2. პუნქტის თანახმად ხელშეკრულების 8.3. პუნქტით განსაზღვრული პირის მიერ წერილობით წარდგენილ შეტყობინებაში მითითებული საბაგირო გზების დამატებითი კონტროლის განხორციელებისა და აუცილებლობის შემთხვევაში მისი რეგულირება/გადაჭერის დასრულების თარიღი.

9.7. იმ შემთხვევაში თუ, საბოლოო მიღებისას გამოვლინდა, რომ ადგილი აქვს წინამდებარე ხელშეკრულების 9.8. პუნქტით გათვალისწინებულ გარემოებას, ობიექტის მიღება განხორციელდება მიმწოდებლის მიერ დეფექტის სრულად აღმოფხვრის შემდეგ, ხოლო მიმწოდებელს დაეკისრება ხელშეკრულების 13.1.2 პუნქტით გათვალისწინებული პირგასამტეხლო, კალენდარული გრაფიკით გათვალისწინებული სამუშაოთა დასრულების საბოლოო თარიღიდან, დეფექტების სრულად აღმოფხვრამდე.

9.8. სამუშაოს მიღების და/ან საბოლოო შემოწმების შედეგად გამოვლენილი დეფექტის აღმოფხვრას საკუთარი ხარჯებით უზრუნველყოფს მიმწოდებელი.

9.9. შემსყიდველი ვალდებულია გონივრულ ვადაში, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული სამუშაოს მოცულობისა და წუნდების მიზეზის მითითებით ასეთის არსებობის შემთხვევაში.

10 მხარეთა უფლებები

10.1 მიმწოდებლის უფლებები

10.1.1. ხელშეკრულების ფარგლებში მოითხოვოს დროული და სრული დაფინანსება.

10.1.2. დანაშნოს მისი სრულუფლებიანი წარმომადგენელი („მიმწოდებლის წარმომადგენელი“), რაც აისახება ხელშეკრულების სპეციფიკურ პირობებში.

10.2 შემსყიდველის უფლებები

10.2.1 აწარმოოს მიწოდებული მომსახურების ხელშეკრულების მოთხოვნებთან შესაბამისობის კონტროლი.

10.2.2. შეწყვიტოს ან შეაჩეროს ხელშეკრულების შესრულება ხელშეკრულების პირობების შესაბამისად;

11 მხარეთა მოვალეობები

11.1. „მიმწოდებელი“ ვალდებულია:

11.1.1 შეასრულოს ნაკისრი ვალდებულებები ხელშეკრულებითა მისი დანართებით გათვალისწინებული მოთხოვნების განუხრელი დაცვით.

11.1.2 უზრუნველყოს გამოვლენილი ნაკლოვანების აღმოფხვრა საკუთარი ხარჯით, შემსყიდველის და/ან ხელშეკრულებით განსაზღვრული შემსყიდველის უფლებამოსილი წარმომადგენლების მიმართვიდან არსებული ნაკლოვანების აღმოფხვრისთვის საჭირო გონივრულ ვადაში.

11.1.3 დროულად განიხილოს „შემსყიდველის“ და/ან ხელშეკრულებით განსაზღვრული შემსყიდველის უფლებამოსილი წარმომადგენლების მხრიდან დასმული საკითხები, რომლებიც დაკავშირებულია ხელშეკრულების შესრულებასთან.

11.1.4 გაავრცელოს შესრულებულ სამუშაოებზე გარანტია (დეფექტებზე პასუხისმგებლობის პერიოდი) წინამდებარე ხელშეკრულებით გათვალისწინებული პირობების დაცვით.

11.1.5 დააზღვიოს შესყიდვის ობიექტი წინამდებარე ხელშეკრულებით გათვალისწინებული პირობების დაცვით.

11.1.6. დაიცვას კომპანია „პომგალსკი“-ს მიერ გაცემული რეკომენდაციები საბაგირო გზის მოწყობილობების მონტაჟთან და მის გაშვება-გამოცდასთან დაკავშირებულ საკითხებთან დაკავშირებით.

11.1.6. საკუთარი ხარჯებით უზრუნველყოს ყველა თანმდევი ღონისძიების განხორციელება, რაც აუცილებელია ხელშეკრულებით ნაკისრი ვალდებულების სრულფასოვნად მიწოდებისთვის;

11.1.7. უზრუნველყოს თითოეული მიწოდებული ტვირთის პარტიის (არაუმეტეს 10 კონტეინერი) უსაფრთხო გადმოტვირთვა/დასაწყობება ტვირთის მიწოდებიდან არაუგვიანეს 24 საათის განმავლობაში. აღნიშნული პირობის დარღვევის შემთხვევაში ანაზღაურებს ქ. ჭიათურაში ტვირთის მიმწოდებელი სატრანსპორტო კომპანიის მიერ გათვალისწინებული ჯარიმა.

11.1.8. დააზღვიოს სამუშაოებზე დასაქმებული პერსონალი და სამუშაოების წარმოებისას გამოყენებული მანქანა მექანიზმები.

11.1.9. ამხანაგობაში შემავალი პირები ვალდებულნი არიან შეუზღუდავად, როგორც ერთობლივად ასევე ცალ-ცალკე დამოუკიდებლად სრულად აიღონ პასუხისმგებლობა ხელშეკრულებით გათვალისწინებული პირობების შესრულებაზე. (გამოიყენება ამხანაგობის შემთხვევაში)

11.2 „შემსყიდველი“ ვალდებულია:

11.2.1 გამოყოფილი სახსრების უწყვეტი დაფარვის პირობებში უზრუნველყოს „მიმწოდებლის“ დროული და სრული დაფინანსება ხელშეკრულებით გათვალისწინებულ ვადებში.

11.2.2 დროულად განიხილოს „მიმწოდებლის“ მხრიდან დასმული საკითხები, რომლებიც დაკავშირებულია ხელშეკრულების შესრულებასთან.

11.2.3 დაიცვას ხელშეკრულებით გათვალისწინებული ყველა პირობა.

12 ხელშეკრულების შესრულების შეჩერება

12.1 ობიექტური გარემოებებით

12.1.1 თუ ხელშეკრულების შესრულების პროცესში მიმწოდებელი წააწყდება ისეთ გარემოებებს, რომელთა გამო ფერხდება ხელშეკრულების პირობების შესრულება, მან დაუყოვნებლივ უნდა გაუგზავნოს წერილობითი შეტყობინება შემსყიდველს შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. ზედამხედველი იღებს არგუმენტირებულ გადაწყვეტილებას, ჩაითვლება თუ არა წარმოდგენილი გარემოებები ობიექტურად და აცნობებს ამის შესახებ შემსყიდველს.

12.2 შემსყიდველის დავალებით

12.2.1 ხელშეკრულების 8.2.1.; 8.2.2. და 8.2.3. პუნატებით გათვალისწინებულ პირებს თავიანთი კომპეტენციის ფარგლებში უფლება აქვთ მისცეს დავალება მიმწოდებელს სამუშაოების შეჩერებაზე პროექტის სპეციფიკიდან გამომდინარე.

12.3 ფორს-მაჟორის გამო

12.3.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

12.3.2 ამ მუხლის მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არის დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი, ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და სამუშაოს მიწოდებისთვის საჭირო საქონლის მიწოდებაზე ემბარგოს დაწესებით, კომპანია „პომაგალსკი“-ს მიერ სამონტაჟო სამუშაოს მიწოდებისთვის აუცილებელი მოწყობილობების დაგვიანებით, დაფინანსების წყაროს მკვეთრი შემცირებით და სხვა.

12.3.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების

შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13 ხელშეკრულების პირობების დარღვევა

13.1 საჯარიმო სანქციები

13.1.1 შემსყიდველი იღებს ვალდებულებას წინამდებარე ხელშეკრულებით გათვალისწინებული ანგარიშსწორების ვადების დარღვევის შემთხვევაში გადაუხადოს პირგასამტეხლო მიმწოდებელს შეუსრულებელი ვალდებულების 0.2 %-ის ოდენობით ყოველ ვადაგადაცილებულ დღეზე.

13.1.2 მიმწოდებელი იღებს ვალდებულებას ხელშეკრულებით გათვალისწინებული სამუშაოს შესრულების ვადის დარღვევის შემთხვევაში გადაუხადოს პირგასამტეხლო შემსყიდველს შეუსრულებელი ვალდებულების ღირებულების 0.2 % -ის ოდენობით ყოველ ვადაგადაცილებულ დღეზე.

13.1.3. წინამდებარე ხელშეკრულების 13.1.2. პუნქტით გათვალისწინებული პირგასამტეხლოს დაკისრების შემთხვევაში შემსყიდველი უფლებამოსილია ანგარიშსწორების დროს დაკისრებული პირგასამტეხლოს ღირებულება გამოქვითოს შესრულებული სამუშაოს ღირებულებიდან.

13.1.4 იმ შემთხვევაში თუ 13.1.2 პუნქტით გათვალისწინებული პირგასამტეხლოს ჯამური დარიცხული თანხა შეადგენს 5 პროცენტს და მხარეები ვერ თანხმდებიან სამუშაოს შესრულების ვადის გაზრდაზე, შემსყიდველი უფლებამოსილია ცალმხრივად შეწყვიტოს ხელშეკრულება.

13.1.5 პირგასამტეხლოს დარიცხვა ან გადახდა არ ათავისუფლებს მხარეებს ძირითადი ვალდებულებების შესრულებისაგან.

13.1.6. მხარეები თავისუფლდებიან პასუხისმგებლობისაგან თუ ადგილი აქვს მე-12 მუხლით გათვალისწინებულ ხელშეკრულების შესრულების შეჩერებას.

13.1.7. ამხანაგობაში შემავალი პირები ან შეუზღუდავად, როგორც ერთობლივად ასევე ცალ-ცალკე დამოუკიდებლად სრულად აგებენ პასუხის ხელშეკრულებით გათვალისწინებული პირობების დროულად და ჯეროვნად შესრულებაზე. (გამოიყენება ამხანაგობის შემთხვევაში)

13.2 შეწყვეტის პირობები

13.2.1. ხელშეკრულება შეიძლება შეწყვეტილ იქნეს მხარეთა შეთანხმებით:

13.2.2. შემსყიდველს ასევე შეუძლია ცალმხრივად მთლიანად ან ნაწილობრივ შეწყვიტოს ხელშეკრულება:

13.2.2.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია შეასრულოს სამუშაო ან მისი ნაწილი;

13.2.2.2 თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

13.2.2.3 მიმწოდებლის გაკოტრების შემთხვევაში;

13.2.2.4 მიმწოდებელი აჩერებს სამუშაოთა წარმოებას 10 დღეზე უფრო ხანგრძლივი დროით, მაშინ როდესაც ეს შეჩერება არ იყო ასახული კალენდარულ გრაფიკში და/ან არ იყო ნებადადართული შემსყიდველის უფლებამოსილი პირის მიერ;

13.2.2.5 ხელშეკრულების 8.2.1. და 8.2.2. პუნქტებით გათვალისწინებული ზედამხედველები თვიანთი კომპენტენციის ფარგლებში გასცემენ შეტყობინებას, რომ რომელიმე დეფექტის აღმოუფხვრელობა წარმოადგენს ხელშეკრულების არსებით დარღვევას და მიმწოდებელი ვერ შესძლებს ამ დეფექტის გასწორებას ზედამხედველის მიერ დასაბუთებულად დადგენილი დროის განმავლობაში;

13.2.2.6 მიმწოდებელი არ წარმოადგენს საჭირო გარანტიებსა და დაზღვევის პოლისს;

13.2.2.7 თუ პროექტის განხორციელება ეკონომიკურად არაეფექტური გახდა შემსყიდველისთვის;

13.2.2.8 საქართველოს მოქმედი კანონმდებლობით გათვალისწინებულ სხვა შემთხვევებში.

13.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.4 იმ შემთხვევაში, თუ ხელშეკრულება წყდება მიმწოდებლის მიერ ხელშეკრულების პირობების არსებითი დარღვევების გამო, ხელშეკრულების 8.2.1. პუნქტით გათვალისწინებული პირი ადგენს დოკუმენტს, რომელშიც შეფასებულია შესრულებული სამუშაო მიმწოდებლისათვის უკვე გადახდილი თანხების და დაუსრულებელ სამუშაოთა ღირებულების ნაწილის გამოკლებით. მიმწოდებელს ხელშეკრულების პირობების დარღვევის გამო ჯარიმის სახით დაეკისრება შეუსრულებელი სამუშაოების ღირებულების 10%. ამ შემთხვევაში სამუშაოთა დასრულების ვადის გადაცილების ჯარიმა არ იქნება გამოყენებული. თუ საერთო თანხა, რომელიც ერგება შემსყიდველს, აღემატება თანხას, რომელიც ერგება მიმწოდებელს, განსხვავება ჩაითვლება დავალიანებად, რომელიც დაფარული უნდა იქნეს მიმწოდებლის მიერ.

14 დასკვნითი პირობები

14.1 ხელშეკრულების პირობების გადასინჯვა

14.1.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

14.1.2 წინამდებარე ხელშეკრულების ფასის შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

14.1.3 საქართველოს სამოქალაქო კოდექსის 398-ემუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ფასის 10%-ზე მეტი ოდენობით გაზრდა.

14.1.4 იმ შემთხვევაში, თუ ხელშეკრულების ფასის გაზრდა გამოწვეულია სამუშაოთა მოცულობის გაზრდის გამო, გამოყენებული იქნება წინამდებარე ხელშეკრულების დანართით (ხარჯთაღრიცხვა) გათვალისწინებული ერთეულის ფასები, ხოლო თუ აუცილებელი გახდა ხელშეკრულების დანართით (ხარჯთაღრიცხვა) გათვალისწინებული სამუშაოს დამატების გამო ცვლილების განხორციელება ასეთ შემთხვევაში ერთეულის ფასის დაანგარიშება უნდა განხორციელდეს ცვლილების განხორციელების პერიოდისათვის საბაზრო ფასის მიხედვით.

14.2 სადაო საკითხების განხილვა

14.2.1 შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთანდაკავშირებული სხვა კომპონენტის ირგვლივ.

14.2.2 თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავისგ ადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

14.3 სხვა პირობები

14.3.1 ხელშეკრულება შედგენილია 2 (ორი) ეგზემპლარად და თითოეულ მათგანს თანაბარი იურიდიული ძალა აქვს.

14.3.2 ხელშეკრულების 1 (ერთი) ეგზემპლარი ინახება „მიმწოდებელთან“, ხოლო 1 (ერთი) „შემსყიდველთან“

14.3.3 ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

14.3.4 მხარეების ოფიციალური საკონტაქტო მონაცემები მიეთითება სპეციფიკურ პირობებში

ხელშეკრულების სპეციფიკური პირობები

ქვემოთ მოყვანილი „ხელშეკრულების სპეციფიკური პირობები“ ავსებს და აზუსტებს „ხელშეკრულების ზოგადი პირობებით“ განსაზღვრული საკითხების მნიშვნელობებს და წარმოადგენს ხელშეკრულების განუყოფელ ნაწილს. მათ შორის შეუსაბამობის შემთხვევაში, უპირატესობა ენიჭება წინამდებარე „ხელშეკრულების სპეციფიკური პირობებს“.

კონტრაქტის ზოგადი პირობები 2.1.1	სამუშაოს მიწოდების საერთო ვადა: ხელშეკრულების გაფორმებიდან 7 კალენდარული თვე, რომელიც მოიცავს საბაგირო გზის გაშვება-გამართვის, გამოცდის, საბაგირო გზების დამატებითი კონტროლის განხორციელებისა და აუცილებლობის შემთხვევაში მისი რეგულირება/გადაჭერის პერიოდს.
კონტრაქტის ზოგადი პირობები 2.3	ხელშეკრულების მოქმედების ვადაა -----[დაზუსტდება ხელშეკრულების ხელმოწერისას]
კონტრაქტის ზოგადი პირობები 4.1	ხელშეკრულების შესრულების უზრუნველყოფის გარანტიის მოცულობა ----- -----[დაზუსტდება ხელშეკრულების ხელმოწერისას] ხელშეკრულების შესრულების უზრუნველყოფის გარანტიის ვადა მინიმუმ 60 კალენდარული დღით უნდა აღემატებოდეს სამუშაოთა მიწოდების საბოლოო ვადას. <i>შემსყიდველისთვის მისაღები ხელშეკრულების შესრულების უზრუნველყოფის საბანკო გარანტიის შინაარსი მოცემული სატენდერო დოკუმენტაციის დანართში N5</i>
კონტრაქტის ზოგადი პირობები 6.1	ხელშეკრულების ფასია _____ ლარი.
კონტრაქტის ზოგადი პირობები 7.1.3	ქვეკონტრაქტ(ებ)ით შესასრულებელი სამუშაოების წილის ჯამური ლიმიტი შეადგენს ხელშეკრულების ფასის 40 (ორმოცი) პროცენტს.
კონტრაქტის ზოგადი პირობები 7.3.2	ბენეფიციარის სახელწოდებაა: [დაზუსტდება ხელშეკრულების ხელმოწერისას]
კონტრაქტის ზოგადი პირობები 7.3.3	ბენეფიციარის უფლებამოსილი წარმომადგენელია: [დაზუსტდება ხელშეკრულების ხელმოწერისას]

კონტრაქტის ზოგადი პირობები 8.2.1.	სამუშაოების ზედამხედველი არის: <i>[დაზუსტდება ხელშეკრულების ხელმოწერისას]</i>
კონტრაქტის ზოგადი პირობები 8.2.2.	<u>საბაგირო გზის სამონტაჟო სამუშაოებზე, საბაგირო გზების გაშვება-გამართვისა და გამოცდის ღონისძიებებზე ტექნიკურ ზედამხედველი 8.2.1. პუნქტით გათვალისწინებულ ზედამხედველთან ერთად არის კომპანია „პომაგალსკი“.</u>
კონტრაქტის ზოგადი პირობები 8.3	პროექტზე პასუხისმგებელ პირი არის: <i>[დაზუსტდება ხელშეკრულების ხელმოწერისას]</i>
კონტრაქტის ზოგადი პირობები 10.1.2	მიმწოდებლის წარმომადგენლია: <i>[დაზუსტდება ხელშეკრულების ხელმოწერისას]</i>
კონტრაქტის ზოგადი პირობები 14.3.2	შემსყიდველის ოფიციალური საკონტაქტო მონაცემებია: საქართველოს მუნიციპალური განვითარების ფონდი მისამართი: დ. აღმაშენებლის გამზ. N150, თბილისი 0112, საქართველო ტელ.: +995 32 2437001/02/03/04 ფაქსი: +995 32 2437077 ელ-ფოსტა: : procurement@mdf.org.ge მიმწოდებლის ოფიციალური საკონტაქტო მონაცემებია: <i>[დაზუსტდება ხელშეკრულების ხელმოწერისას]</i>

ხელშეკრულების შესრულების გარანტია N

(გაცემის ადგილი)

(გაცემის თარიღი)

გარანტი:

(სახელი და მისამართი)

პრინციპალი:

(სახელი და მისამართი)

ბენეფიციარი:

(სახელი და მისამართი)

საგარანტიო თანხის ზღვრული მოცულობა:

(თანხა ციფრებით)

(თანხა სიტყვიერად)

გარანტისთვის ცნობილია, რომ პრინციპალმა ბენეფიციარის მიერ გამოცხადებული ტენდერში -----
----- (SPA-----)

(ტენდერის დასახელება)

წარდგენილი სატენდერო წინადადების საფუძველზე იკისრა ვალდებულება წარადგინოს ხელშეკრულების შესრულების უზრუნველყოფის საბანკო გარანტია.

პრინციპალის თხოვნის საფუძველზე, გარანტი იღებს გამოუთხოვად, უპირობო ვალდებულებას, ბენეფიციარს გადაუხადოს ნებისმიერი თანხა, რომლის ოდენობა ჯამში არ აღემატება (თანხა ციფრებში) (თანხა სიტყვიერად.) ლარს. გადახდა განხორციელდება ბენეფიციარის პირველივე წერილობითი მოთხოვნის საფუძველზე, არაუგვიანეს 5 (ხუთი) საბანკო დღის განმავლობაში. მოთხოვნაში ან მის დანართში ასახული უნდა იყოს ის გარემოება, თუ რაში გამოიხატება პრინციპალის მხრიდან ზემოთ მითითებული ხელშეკრულების ფარგლებში ვალდებულების დაარღვევა. ამასთანავე ბენეფიციარს არ მოეთხოვება ვალდებულების დარღვევის ფაქტის მტკიცება და მასში მითითებული თანხის დასაბუთება.

წინამდებარე გარანტია ძალაშია (ძალაში შესვლის რიცხვი, თვე, წელი და დასრულების რიცხვი, თვე, წელი). გადახდის შესახებ ნებისმიერი მოთხოვნა გარანტს უნდა წარედგინოს შემდეგ მისამართზე:-----
ზემოაღნიშნული თარიღამდე.

გარანტიის მოქმედება წყდება ერთ-ერთ ქვემოთ აღნიშნულ შემთხვევაში:

- ა)იმ ვადის გასვლით, რა ვადითაც არის გარანტია გაცემული;
- ბ)პრინციპალის მიერ ხელშეკრულებით ნაკისრი ვალდებულებების სრულად შესრულებით;
- გ)გარანტის მიერ გარანტიით უზრუნველყოფილი თანხის სრულად გადახდით;
- დ)ბენეფიციარის მიერ თავის უფლებებზე უარის წერილობითი განცხადების ან საგარანტიო წერილის ორიგინალის უკან დაბრუნებით.

.....

ბანკის ბეჭედი და ხელმოწერა(ები)

შენიშვნა:

1. სავალდებულო მოთხოვნას წარმოადგენს მითითებული შინაარსის ხელშეკრულების შესრულების უზრუნველყოფის საბანკო გარანტიის წარმოდგენა, წინამდებარე ტენდერში მონაწილეობის მიღებით პრეტენდენტი ავტომატურად გამოხატავს თანხმობას, რომ აღნიშნული გარანტიის შინაარსი შეთანხმებულია საქართველოში მოქმედ ბანკთან.
2. ამხანაგობის მიერ ხელშეკრულების შესრულების უზრუნველყოფის საბანკო გარანტიის წარმოდგენის შემთხვევაში, ხელშეკრულების შესრულების უზრუნველყოფის საბანკო გარანტიაში მითითებული უნდა იყოს ამხანაგობაში შემავალი ყველა პირი.